

**କରକ୍ରିୟ ମଣ୍ଡଳୀ ନିକଟକୁ ପାଉଲଙ୍କ ଦ୍ୱିତୀୟ
ପତ୍ର
କରକ୍ରିୟ ମଣ୍ଡଳି ଲାଗାଂ ପାଉଲ୍‌ତି ରିଣ୍ଡି
ଆକି
୨ କରକ୍ରିୟ ପତ୍ରିନି ପାଦେକ୍**

ରି କରକ୍ରିୟ ପକ୍ୟାତି ପାଉଲ୍ ହୁଦାଂ ଆଜି ମାତିସ୍ ଜିସୁ କ୍ରିସ୍ତୁତି ଜଲମନି ଆତିସ୍ ରିକଡ଼ି ପନ୍ଦର-ରିକଡ଼ି ସୌଉଲ ୫୫ ତାଂ ୫୭ ବାହୁଁ ପାତେ ଲେକା ଆଜି ମାତାତ୍ । ମା ଲାଗେ ମାନି କରକ୍ରିୟ ମଣ୍ଡଳିତିଂ ଲେକା ଆଜି ମାନି ଆକି ବିତ୍ରେତାଂ ଇଦାଂ ଆନାତା ପାଉଲ୍‌ତି ରି ଆକି । ପଣ୍ଡିତାର୍ ପାତ୍ କିନାର୍ ଜେ, ଇଦାଂ ପୁର୍ବେତାଂ ପାଉଲ୍ କରକ୍ରିୟ ମଣ୍ଡଳି ଲାଗାଂ ଆବଡ଼ନିକା ଆକି ଲେକି କିଜି ମାତାନ୍ ୨:୩-୪ ପାଦତ୍ ହେୱାନ୍ ଇନାକା ଇନାନ୍ନା, ହେବେନି ଇମ୍‌ଣାକା ପା ଲେକି କିତାକା ମା ଲାଗାୟ୍ ହିଲୁଡ଼ । ଆଜି ମାନାତ୍ ପାଉଲ୍ ମାକିଦନିୟାତ ମାନି ୱେଡ଼ାଲିଂ ରି କରକ୍ରିୟ ଲେକି କିଜି ମାତାନ୍ ୨:୧୩ ।

ରି କରକ୍ରିୟ ଆନାତା ରଞ୍ଜାଙ୍ଗମତର୍, ହେଦାଂ ବେସି ଜାର୍‌ତି ଆରି ମାନ୍ତୁ ଚିନ୍ତାକିନାକା । କରକ୍ରିୟତ ମାନି ମଣ୍ଡଳି ବିସ୍ତେ ତିତସ୍‌ତି ତାଂ ନେକ୍ରିକାବୁର୍ ପାୟା ଆଜି ପାଉଲ୍ ୱାରି କିନାନ୍ । ଇ ଆକିତ ପୁନି ନିୟମନି ହୁଡ଼ନିତାଂ ଦାନ୍ ବିସ୍ତେ ହିକ୍ୟା ପାୟା ଆଜି ମାନାସ୍ । ଇ ଆକିତ, ଇମେତାକେ ପାଉଲ୍ ଜିରୁସାଲମନି ପାତ୍ କିନାକାରିଂ ଉପକାର୍ କିନି କାଜିଂ ଟାକାଂ ରୁଣ୍ଡାୟ୍ କିଦେଙ୍ଗ୍ ୱେଟ୍‌ନାନ୍ ୮:୯ । ଇଦାଂ ପୁନ୍ୟାନାତା ଜେ, ମଣ୍ଡଳି ବାରତାଂ ଏଚେକ୍ ମିର୍ ପକ୍ୟାତାକାର୍, ହେୱାର୍ ଜାର୍‌ତିଂ ପାଦ୍ ବାତାୟ୍ କିଦେଙ୍ଗ୍ ପାଉଲ୍‌ତି ବିରୁଦ୍‌ତ ମଣ୍ଡଳିନି ଏଚେକ୍ ମାନି ମାନାୟାରିଂ ରିସା ଆନାନା । ହେୱାର୍ ପାଉଲ୍‌ତି ଆଦିକାର୍‌ତିଂ ପାତ୍ କିଦେଙ୍ଗ୍ ଆତୁରା । ଇନାକାକି ରି କରକ୍ରିୟ ହାରିହାରାତ ହେୱାନ୍ ରଞ୍ଜାନ୍ ଜିସୁ କ୍ରିସ୍ତୁତି ଆଦିକାର୍‌ତ ରଞ୍ଜାନ୍ ପକ୍ୟାତାକାନ୍ ଇଞ୍ଜି ତାଟ୍ ଲାହାଙ୍ଗ୍ ପାର୍ମାଣ୍ କିନାନା ।

୨ କରକ୍ରିୟା ପତି ବିସ୍ତେନି ରାହାଣ

- ୧. ପାଉଲ୍ ଆକିନି ମୁଡ଼ଦ ବାନ୍ଦାୟ କିନାନ ୧:୧-୭
- ୨. ପାଉଲ୍ ହେୱାକ୍ତି ହାନି ଜାଲ୍ଦିତ ବାଦ୍ଲାୟକିନାକା ଆରି ହେୱାକ୍ତି ବିସ୍ତେ ରୁଜୁକ୍ ଆରି ହେୱାକ୍ତି ଆକି ବିସ୍ତେ ହେୱାକ୍ତି ଜବାକ୍ ୧:୮-୭:୧୭
- ୩. ପାଉଲ୍ ଜିରୁସାଲମ୍ନି ପାତ୍ କିଞ୍ଜାକାର କାଜିଂ ଦାନ୍ ରୁଣ୍ଡାୟ କିନି ବିସ୍ତେ ଖେଚନାନା ୮:୧-୯:୧୫
- ୪. ହାରିହାରା ପାଉଲ୍ ହେୱାକ୍ତି ପକ୍ୟାତି ପାଦ୍ ହାର୍ ଇଚ୍ଚନାନ୍ ଆରି ଆରେ ହାଞ୍ଜେକ୍ କାଜିଂ ଜାଗ୍ରତ୍ କିନାନ ୧୦:୧-୧୩:୧୪

୧ *ଆନ୍ ପାଉଲ୍, ଇସ୍ବର ଇଚାତ କ୍ରିଷ୍ଟ ଜିସୁତି ରଖାନ୍ ପକ୍ୟାତାକାନ୍, ଆରେ ଟଣ୍ଡେନ୍ ତିମତି କରକ୍ରିୟା ମାନି ପୁଇପୁୟା ଇସ୍ବତ୍ ମଣ୍ଡଲି, ଆରେ ସବୁ ଆକାୟାତ ମାନି ସବୁ ସାଦୁର୍ ଲାଗାଂ ଗଜା ଲେକିକିନାପା;

୨ ମା ଆବା ଇସ୍ବର ଆରି ମାପୁ ଜିସୁ କ୍ରିଷ୍ଟତାଂ ଉପକାର୍ ଆରି ସୁସ୍ତା ମି କାଜିଂ ଆଏଡ଼ ।

ପାଉଲ୍ ମାପୁକ୍ ଜୁଞ୍ଜାର କିନାନା

୩ ମା ମାପୁ ଜିସୁ କ୍ରିଷ୍ଟତି ଇସ୍ବର ଆରି ଆବା ଜୁଞ୍ଜାର କିୟାଟ୍, ହେୱାନ୍ ଦୟା ଆନି ଆବା ଆରି ଓଜୁ ଦୁକ୍ସାରାୟ କିନି ଇସ୍ବର; ୪ ଇସ୍ବତ୍ ହୁକେ ଇମ୍ଣି ଦୁକ୍ସାରାୟତ ଆପ୍ ଦୁକ୍ସାରାୟ ଆନାପା, ହେ ଦୁକ୍ସାରାୟ ହୁକେ ଇନେସ୍ ସବୁବାନି କସ୍ବ ବଗ୍କିନି ମାନାୟାରିଂ ଦୁକ୍ସାରାୟ ହିଦେଂ ଆଡ଼ନାଦେର୍, ଇଦାଂ କାଜିଂ ହେୱାନ୍ ମା ଓଜୁ କସ୍ବତ ମାଢେକ୍ ଦୁକ୍ସାରାୟ ହିଇ କିଦନାର୍ । ୫ ଇନାକିଦେଂକି କ୍ରିଷ୍ଟତି କାଜିଂ ମା ଦୁକ୍ବଗ୍ ଇନେସ୍ ବେସି, ହେ ଲାକେ ଇସ୍ବର ହୁକେ ମା ଦୁକ୍ସାରାୟ ପା ବେସି । ୬ ମତର୍ ଆସେକ୍ ଦୁକ୍ବଗ୍ କିତିସ୍ ହେଦାଂ ମି ଦୁକ୍ସାରାୟ ଆରି ମୁକ୍ତାନି କାଜିଂ; କି ଆସେକ୍ ଦୁକ୍ସାରାୟ ପାୟା ଆତିସ୍ ହେଦାଂ ମି ଦୁକ୍ସାରାୟ କାଜିଂ; ଆପେଂ ଇମ୍ଣି ବାନି ଦୁକ୍ବଗ୍ କିନାସ୍, ହେ ବାନି ଦୁକ୍ବଗ୍ ସାସ୍ ଲାହାକ୍ ହୁଞ୍ଜେକ୍ ହେ ଦୁକ୍ସାରାୟ କାମାୟ ପୁରା କିନାନା । ୭ ଆରେ,

☆ ୧:୧ ୧:୧ ପକ୍ୟାତାକା ୧୮:୧.

ମି ବିସ୍ତେନି ମା ବାସ୍ୟ ଚିର, ଲାଗିଂ ଏପେକ୍ ଇନେସ୍ ଦୁକ୍‌ବଗ୍‌ନି
ମେହାଆଜି, ହେ ଲାକେ ପା ଦୁକ୍‌ସାରାୟ୍ କିଜି ଜେ ମେହା
ଆତାଦେଶ୍ଟା, ଇଦାଂ ଆସେକ୍ ପୁନାସ୍ ।

୮ ✱ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡଦେକ୍ ଆସିଆ ଦେସ୍‌ତ
ମା ଜପି ଗିଟାଆଜି ମାଟି କସ୍ ବିସ୍ତେ ଏପେକ୍ ଜେ ପୁଟାଦେଶ୍ଟା,
ଇଦାଂ ମା ଇଟା ଆକାୟ୍; ଆପ୍ ମା ସାକ୍ତିତାଂ ବେସି ଲାକେ ଖାଜି
ମାଟାପ୍, ଏଲେକ୍‌ବାତ ଜିବୁନ୍‌ନି ଆହା ପା ପିସ୍ତି ମାଟାପ୍; ୯ ଆଁ
ଆପ୍ ଦାଣ୍ଡଦେସ୍ ହେଲାଇୟ୍ କିୟା ଆତାପନା ଇଞ୍ଜି ଜାର୍ ଜାର୍ ମାନ୍ତ
ଅହ୍ୟା ଆଜି ମାଟାପ୍, ଇନେସ୍ ଆପ୍ ଜାର୍ ଜାର୍ ଜପି ବାସ୍ୟ ହିଞ୍ଜାଦାଂ
ଇତିସ୍ ଇମ୍‌ଣି ଇସ୍‌ବର୍ ହାତାକାରିଂ ନିକ୍‌ନାନ୍, ତା ଜପି ଦିଆନ୍ କିନାସ୍;
୧୦ ହେଞ୍ଜାନ୍ ମାକ୍‌କେକ୍ ଏପେକ୍ ବେସି ହାକିତାଂ ବାଟାୟ୍ କିତିସ୍,
ଆରି ବାଟାୟ୍ କିଦ୍‌ନାନ୍, ଆରେ ହେଞ୍ଜାନ୍ ଜେ ଖାନିକାଡ୍‌ଦ ବାଟାୟ୍
କିଦ୍‌ନାନ୍, ତା ଜପି ମା ଇ ବାସ୍ୟ ମାନାଡ୍ । ୧୧ ଏପେକ୍ ତ ମାଦି ବାହା
ଆସ୍ତି ପାର୍ତ୍ତାନାତ ମା ଉପ୍‌କାର୍ କିଦ୍‌ନାଦେରା, ଇନେସ୍ ମାକ୍‌କେକ୍
ଇମ୍‌ଣି ଉପ୍‌କାର୍ ଦାନ୍ କିଡ୍‌ତାର୍‌ନା, ହେଦାଂ କାଜିଂ ବେସି ଲକାର୍
ଖାଇଦାଂ ମା କାଜିଂ ବେସି ଲକ୍ ଇସ୍‌ବର୍‌ତିଂ ଜୁଞ୍ଜାର୍ ହିନାର୍ ।

ପାଉଲ୍‌ତି ଉପାୟ୍‌ନି ବାଦ୍‌ଲି

୧୨ ପୁତ୍‌ତ, ବେସି ମି କାଜିଂ, ଆପେଂ ସଂସାର୍‌ନି ଗିଆନ୍‌ତ ଚିନ୍ତା
କିଞ୍ଜାଦାଂ ଇତିସ୍ ଇସ୍‌ବର୍ ଉପ୍‌କାର୍‌ତ, ତା ପୁଇପୁୟା ଆରି ସଲ୍‌କେ
ବାବ୍ରେ ଲାକେ ଚିନ୍ତା କିଜି ମାଟାପ୍ ଇଞ୍ଜି ମା ବୁଦି ଜେ ସାକି ହିନାତା,
ଇଦାଂ ମା ଗର୍‌ବେ ବିସ୍ତେ । ୧୩ ଇନାକିଦେଂକି ଏପେକ୍ ଇନା ଇନାକା
ପଡ୍‌ତି କିଜି ବୁଜା ଆନାଦେର୍, ହେ ସବୁ ପିସ୍ତି ଆପ୍ ମି ଲାଗାଂ ଆରେ
ଇନାକା ଲେକି କିଡ୍‌ପା, ୧୪ ଆରେ, ମା ମାପୁ ଜିସ୍‌ତି ଦିନ୍ତ ଏପେକ୍
ଇନେସ୍ ବାନି ମା ଗର୍‌ବ୍ କାରଣ, ହେ ଲାକେ ଆପେଂ ଜେ ମି ଗର୍‌ବ୍‌ନି
କାରଣ, ଇଦାଂ ଏପେକ୍ ଇନେସ୍‌କି ମା ବିସ୍ତେ ଅଲପ୍ ବାବ୍ରେ ବୁଜା
ଆତାଦେଶ୍ଟା, ହେ ଲାକେ ହାରିହାରା ପାତେକ୍ ବୁଜାଆତାଦେଶ୍ଟା ଇଞ୍ଜି
ଆନ୍ ବାସ୍ୟ କିନାଜା ।

✱ ୧:୮ ୧:୮ ୧ କରକ୍ତିୟ ୧୫:୩୨.

୧୫ ଆରେ, ଏପେଙ୍ଗ୍ ଇନେସ୍ ରିହା ଉପକାର୍ ଲାବ୍ କିଦେଂ ଆଡ଼ନାଦେର୍, ୧୬ ✱ଆରେ, ମି ଲାଗାଂ ହିଜି ମାକିଦନିଆତ ହାଲ୍ଜି ଆରି ଆରେ ରଗ ମାକିଦନିଆତାଂ ମି ଲାଗାଂ ଖାଜି ମି ଉପକାର୍ତ ଜିହୁଦା ଦେସ୍ତ ହାଞ୍ଜେଙ୍ଗ୍ ଆଡ଼ନାନ୍, ଇଦାଂ କାଜିଂ ଆନ୍ ହେ ପାତର୍ତ ପର୍ତ୍ତୁମ୍ ମି ଲାଗାଂ ହାନି କାଜିଂ ମାନ୍ କିଜି ମାଚାଙ୍ଗ୍ । ୧୭ ଖାଟିଙ୍ଗ୍ ଏଲେଙ୍ଗ୍ ବାନି ମାନ୍ କିଦେଂ ଆନ୍ ଇନାକା ଅଲପ୍ ବାବ୍ରେ ମାନ୍ କିଜି ମାଚାଙ୍ଗ୍ ? ନଲେ ଆନ୍ ଇନାକା ଉପାୟ୍ କିତାଙ୍ଗ୍, ହେଦାଂ ଇନାକା ଡାଣ୍ଡି ବାବ୍ରେ କିଜି ମାଟିସ୍ ଜେ ନା କାତା “ଆଁ,” ଆରି ଆକାୟ୍ ହାରି ଆନାଡ଼ । ୧୮ ମତର୍ ଆତିସ୍ପା ଇସ୍ବର୍ ପାତର୍ ଆନାନ୍, ଲାଗିଂ ମି କାଜିଂ ମାଦାଂ ଆପେଂ ଇମଣି ବଚନ୍ ହିଦ୍ନାପା ହେଦାଂ ଆଁ ଆରି ଆକାୟ୍ ଆଉଡ଼ । ୧୯ ଇନାକିଦେଂକି ଇସ୍ବର୍ତ୍ ମାଜି କ୍ରିସ୍ଟ ଜିସ୍ଟ୍, ଜେ ମା ହୁଦାଂ, ଇଟିସ୍, “ନା” ହୁକେ ଆରି ସିଲ୍ଲାନ୍ ଆରି ତିମତି ହୁକେ ମି ବିତ୍ରେ ସୁଣାୟ୍ କିୟା ଆତାନ୍, ହେଞ୍ଜାନ୍ “ଆଁ” ଆରି ଆକାୟ୍ ଇନ୍ୟା ଆଖାତାନ୍, ଇଟିସ୍ ଇସ୍ବର୍ ତାକେ “ଆଁ” ଇଚାନ୍ନା । ୨୦ ଲାଗିଂ ଇସ୍ବର୍ତ୍ ଏଚେକ୍ ପାର୍ମାଣ, ହେଞ୍ଜାନ୍ ଓଜାର୍ତି “ଆଁ” ତାତାକେ ମାନାଡ଼; ଇଦାଂ କାଜିଂ ପା ତା ହୁକେ ଇସ୍ବର୍ତ୍ ଜାଜ୍ମାଲ୍ ହିସାବେ ଆପ୍ “ଆମେନ୍” ଇଞ୍ଜି ମାନାପ୍ । ୨୧ ନିଜେ ଇସ୍ବର୍, ଜେ ମାଙ୍ଗେଙ୍ଗ୍ ମି ଲାହାଙ୍ଗ୍ କ୍ରିସ୍ଟାକେ ତିର୍ କିନାନ୍, ଆରେ ମାଙ୍ଗେଙ୍ଗ୍ ସିଗ୍ନିତାଣ୍ଡା ହେଞ୍ଜାନ୍ ଇସ୍ବର୍; ୨୨ ହେଞ୍ଜାନ୍ ମାଙ୍ଗେଙ୍ଗ୍ ବିନେ କିଡ଼ତାନ୍ନା ଆରି ମା ଜିବୁନ୍ତ ତା ପୁଇପୁୟା ଜିବୁନ୍ତିଂ ରଚାତାନ୍ନା । ପୁଇପୁୟା ଜିବୁନ୍ ଆନାନା, ମା ଜପି ଇସ୍ବର୍ତି ଆଦିକାର୍ନି ଚିନ୍ ଆରି ଖାନି ଦିନ୍ତ ଆସେଙ୍ଗ୍ ଇନାକା ଗାଟା ଆନାସ୍ ତାଦି ମାଲିକ୍ ଲାକେ ।

୨୩ ମତର୍ ଆନ୍ ଇସ୍ବର୍ତିଂ ସାକି ମାନିକିଜି ନା ଖାସ୍ତି ପାର୍ମାଣ କିତାଙ୍ଗ୍ନା ଜେ, ମି କାଜିଂ ଦୟା ପିଣ୍ଡି ଆନ୍ କରକ୍ରିୟା ଆରେ ରଗ ହାଲ୍ଖା ତାଙ୍ଗ୍ନା । ୨୪ ଏପେଙ୍ଗ୍ ଇମଣି କାତାତ ପାତର୍ ଜପି ଜେ, ମାଦାଂ ମାନାଡ଼, ହେଦାଂ ଆକାୟ୍, ଇଟିସ୍ ମି ଖାରି କାଜିଂ ମି ହାଙ୍ଗ୍ଦାକାର୍ ଆନାପ୍; ଲାଗିଂ ପାତର୍ତ୍ତ ଏପେଙ୍ଗ୍ ତିର୍ ଆଜି ମାନାଦେରା ।

✱ ୧:୧୭ ୧:୧୭ ପକ୍ୟାତାକା ୧୯:୨୧.

୨

^୧ମତର୍ ମି ଲାଗାଂ ନା ହାନାକା ଇନେସ୍ ଆରେ ରଗ ଦୁକ୍ ଆଉଡ଼, ଇଦାଂ ଆନ୍ ମାନ୍ତୁ ତିରକିତାଂ । ^୨ଲାଗିଂ ଆନ୍ ଜଦି ମିଙ୍ଗେଙ୍ଗ୍ ଦୁକ୍ କିଦନାଂ, ଲାଗିଂ ଇନେରିଂ ଆନ୍ ଦୁକ୍ ହିନାଂ, ହେଦାଂ ପିସ୍ତି ଆରେ ଇନେର୍ ନାଙ୍ଗ୍ ଦୁକ୍‌କିନାକା ହିଦନାନ୍ ? ^୩ଆରେ, ଇମ୍‌ଶାକାର୍ ତାଂ ନା ଦୁକ୍‌କିନାକା ପାୟାନାକା ଲଡ଼ା ହେଞ୍ଜାରତାଂ ଆନ୍ ଖାଜି ଇନେସ୍ ଦୁକ୍ ପାୟା ଆଉନ୍ । ଇଦାଂ କାଜିଂ ଆନ୍ ଇ କାତା ଲେକିକିଜି ମାତାଙ୍ଗ୍, ଲାଗିଂ ନା ଖାରିତାଂ ଇନେନ୍ ମି ଖାରି, ଇଦାଂ ମି ଖିଜାର୍ ବିସ୍ତେ ନା ପାତ । ^୪ଇନାକିଦେଂକି ବେସି କସ୍ ଆରି ଖାସ୍ତିନି ନନାକାତ ବେସି କାଶେଲ୍ ଲାହାଙ୍ଗ୍ ଆନ୍ ମିଙ୍ଗେଙ୍ଗ୍ ଲେକି କିଜି ମାତାଙ୍ଗ୍; ଇନେସ୍ ଏପେଙ୍ଗ୍ ଦୁକ୍ ଆଡୁ, ଏପେଙ୍ଗ୍ ଆକାୟ୍, ମତର୍ ମି କାଜିଂ ନାଦାଂ ଜେ ଆଦିକ୍ ବେସି ଜିଉନନାକା ମାନାଡ଼, ଇଦାଂ ଇନେସ୍ ଏପେଙ୍ଗ୍ ବୁଜାଆଡୁ ।

ଦସି ଲାଗାଂ କେମା ହିୟାଟ୍

^୫ମତର୍ ଜଦି ଇନେର୍ ଦୁକ୍ ହିଦନାନ୍, ହେଞ୍ଜାନ୍ ନାଙ୍ଗେଙ୍ଗ୍ ଦୁକ୍ ହିଦଞ୍ଜାତାନନା, ମତର୍ ଏଚେକ୍ ତାକେ ଆନ୍ ଆଦିକ୍ ଆର୍‌ଞ୍ଜା ଆଦେଂ ମାନ୍ କିଉଙ୍ଗା ମି ଖିଜାରିଂ ଦୁକ୍ ହିଦନାଙ୍ଗା । ^୬ଆଦେକ୍ ହୁକେ ଏପେଙ୍ଗ୍ ଲକ୍ ଇମ୍‌ଶି କସ୍ ପାୟାନାଙ୍ଗା, ହେଦାଂ ତା ପାକ୍ୟାତ ସାରି, ^୭ଲାଗିଂ ଏଚେକାଡ଼୍ ଏପେଙ୍ଗ୍ ମାନାୟ୍ ବେସି ଦୁକ୍‌ତ ମୁଜ୍‌ନାନ୍, ଇଦାଂ କାଜିଂ ଏପେଙ୍ଗ୍ ତାଙ୍ଗେଙ୍ଗ୍ ଇଚିସ୍ କେମା କିୟାଟ୍ ଆରି ଦୁକ୍‌ସାରାୟ୍ କିୟାଟ୍ । ^୮ଇଚିସ୍, ହେଦାଂ କାଜିଂ ଜିଉନନାକା ଚିନ୍ତା ରଚି କିଦେଙ୍ଗ୍ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା । ^୯ଇନାକିଦେଂକି ଏପେଙ୍ଗ୍ ଖିଜୁ ବିସ୍ତେ ଜେ ଆଁ ଇନାଦେର୍ ମି ବିସ୍ତେ ହେବେନି ପାର୍ମାଣ୍ ଇନେସ୍ ଆନ୍ ପାୟାନାଙ୍ଗା, ଇସାପ୍‌ତ ଆନ୍ ବଲ୍ ପାଲି କିନି କାଜିଂ ହେ ଗଜା ପା ଲେକିକିଜି ମାତାଙ୍ଗା । ^{୧୦}ମତର୍ ଏପେଙ୍ଗ୍ ଇନେର୍‌ତି ଇନାକା କେମା କିୟାଟ୍, ଆନ୍ ପା ତାଙ୍ଗେଙ୍ଗ୍ କେମା କିନାଙ୍ଗା; ଇନାକିଦେଂକି ଆନ୍ ଜଦି ଇନାକା କେମା କିତାଂନା, ତେବେ ଇନାକା କେମା କିତାଂନା, ହେଦାଂ କ୍ରିସ୍ତି ମୁମ୍‌ଦ ମି କାଜିଂ କେମା କିତାଂନା, ^{୧୧}ଇନେସ୍ ସୟ୍‌ତାନ ମା ବେରୁତ ଇନାକିଦେଂ ଆଡ଼ଦୁଡ଼ ମତର୍ ବେଗି ପାୟା ଆଉଡ଼ । ଇନାକିଦେଂକି ଆପ୍ ତା ଖିଜୁ ହାୟାୟ୍ ବିସ୍ତେ ଗିଆନ୍ ହିଲୁଡ଼ ।

୧୭ ଆରେ, କ୍ରିଷ୍ଣଚି ନେକ୍ରିକାବୁର ସୁଣାୟ କିନି କାଜିଂ ଆନ୍ ତ୍ରୟାତାଂ
 ଖାତି ପାଚେ ମାପୁତି କାମାୟ କାଜିଂ ପାଗ୍ ଲାକେ ଦୁଝେର୍ ଜେୟା
 ଆତିସପା ୧୩ ନା ଟଣ୍ଡେନ୍ ତିତସତିଂ ହୁଡ଼ଝାଦାଂ ଜିବୁନ୍ତ ଚିନ୍ତା କିତାଙ୍ଗ୍
 ହେଝାରତାଂ ହେଲ ଅଜି ମାକିଦନିଆତ ହଟାଙ୍ଗ୍ ।

ଜିସୁ କ୍ରିଷ୍ଣ ହୁକେ ଜିତାନାକା

୧୪ ମତର ଇସ୍ତର୍ ଜୁଝାର ଆଏଡ଼, ହେଝାନ୍ ସବୁ ନାଜିଂ ମାଙ୍ଗେଙ୍ଗ୍
 ଅଜି କ୍ରିଷ୍ଣତାକେ ଜିତାନି ହାଜି କିତାନ୍ନା, ଆରେ ସବୁ ବାହାତ ତା
 ଗିଆନ୍ ଲାକେ ହୁଞ୍ଜି ବାହା ମା ହୁଦାଂ ଚଟ୍ଟାତାନ୍ନା, ୧୫ ଇନାକିଦେଂକି
 ମୁକ୍ତି ଆନାକା ପାୟାନାକା ଆରି ବୁଡା ଆଜି ମାନି ମାନାୟାର ବିତେ
 ଆସେଙ୍ଗ୍ ଇସ୍ତର୍ କାଣ୍ଗାତ କ୍ରିଷ୍ଣଚି ହାର୍ଦିଗାୟା ଲାକେ ମାନାପ୍
 । ୧୬ ର ପାକ୍ୟାନି ମାନାୟାର କାଜିଂ ହାତି ଲାକେ ଆରି ବିନ୍
 ପାକ୍ୟାନି ମାନାୟାର କାଜିଂ ଜିବୁନ୍ ବାସନା ଲାକେ । ଆରେ ଇ ଝିନ୍ତୁ
 କାଜିଂ ଇନେର୍ ଏପେଙ୍ଗ୍ କାମାୟ କିଦେଙ୍ଗ୍ ଆଡ଼ନାନ୍ ? ୧୭ ହେ
 ହେନି ମାନାୟାର ଇନେସ୍ ଇସ୍ତର୍ ବଚନ୍ ବାତାୟ କିତାର୍, ଆପ୍ତ
 ହେଝାର ଲାକେ କିତପା, ମତର ସୁସାର ବାବେ ଇସ୍ତର୍ ବଲ୍ ଲାକେ,
 ତା ସାକିତ ଆପ୍ କ୍ରିଷ୍ଣତାକେ ସତ୍ନିକା ହୁଦାଂ ମାନ୍ଞି କାତା ଇନାପା ।

୩

ପୁନି ମେରାନି ଆଡ଼ୟାର୍

୧ ଆପ୍ କି ଆରେ ରଗ ଜିବୁନ୍ତ ପାର୍ତାନା କିଦେଙ୍ଗ୍ ହାଙ୍ଗ୍ନାପା ? କି
 ଇନେର୍ ଇନେର୍ତି ଲାକେ ଇନାକା ମି ଲାଗାଂ ନଲେ ମି ଲାଗାଂତାଂ
 ମା ପାର୍ତାନାନି ଆକି ଲଡ଼ା ? ୨ ଏପେଙ୍ଗ୍ ତ ମା ମାନ୍ତ ଲେକାତାଡ଼ନା
 ଆରେ ଝିଜାର୍ ମାନାୟାର ପୁଞ୍ଜି ଆରି ପଡ଼ି କିଜି ମା ଗଜା ଲାକେ
 ୩ ଆରେ, ଏପେଙ୍ଗ୍ ଜେ ମା ହେବାତ ଲେକାତି କ୍ରିଷ୍ଣଚି ଆକି ଲାକେ,
 ଇଦାଂ ହନାତା ହେଦାଂ ଝାରାକାତ ଲେକାଝାତାଡ଼ନା, ମତର ଜିବୁନ୍
 ଇସ୍ତର୍ ଜିବୁନ୍ ହୁକେ ଲେକା ଆତାଡ଼ନା, କାଲ୍ ପାଟାତ ଆକାୟ,
 ମତର ଜେଇ ମାନି ଜିବୁନ୍ ବାତ ପାଟାତ ।

୪ ଆରେ, କ୍ରିଷ୍ଣଚି ହୁକେ ଇସ୍ତର୍ ଜପି ଆହା ଇଡ଼ଜି ମା ଇ ବାନି
 ବାସ ମାନାଡ଼ । ୫ ଆପ୍ ଜେ ଜାରତାଂ ଇନାକା ହପ୍ତେଂ ମାନ୍,

ଏପେଙ୍ଗ ଆକାୟ, ମତର୍ ମା ବାପୁ ଇସ୍ପରତା; ୬ ହେଞ୍ଜନ୍ ତ ମାଙ୍ଗେଙ୍ଗ ଅକରନ୍ ହେବାକାରୟା କିତାନା, ମତର୍ ଜିବୁନ୍ତିଂ ଇତିସ୍ ପୁନି ନିୟମ୍ନି ହେବାକାରୟା ଆଦେଂ ବାପୁ ହିତାନା; ଇନାକିଦେଂକି ଅକର୍ ହାତାକା, ମତର୍ ଜିବୁନ୍ ହେ ଜିବୁନ୍ ଲାକେ ।

୭ ଆରେ, ଜଦି ଅକର୍ତ ପାଟା କାଲ୍ ଜପି କାର୍ତ୍ତି ହାତି ଲାକେ ମସାତି ବିଦିନି ହେବାକାମାୟ ଏଲେଙ୍ଗ ଜାଜ୍ମାଲ୍ତ ହସି ମାଚାତ୍ ଜେ, ଇସ୍ତାଏଲ୍ ହିମ୍ଣାଂ ମସାତି ମୁମ୍ଦ ଚାଣେକ୍ତିଂ ଅଜଡ୍ କାଜିଂ ହେଞ୍ଜନ୍ତି ମୁମ୍ ଇଟ୍ କାଡ୍ କିଜି ହୁଡ୍ଦେଂ ଆଡ୍ଝାତାର୍, ିଲାଗିଂ ପାର୍ତାନା ହେବାକାମାୟ ଏତେକ୍ ଆଦିକ୍ ଜାଜ୍ମାଲ୍ ଇସ୍ପର୍ ତାକେ ମେହା ଆଞ୍ଜାତାମ୍ ? ୯ ଇନାକିଦେଂକି ଜଦି ଦାଣ୍ଟି ଗିଆନ୍ନି ହେବାକାମାୟ ଜାଜ୍ମାଲ୍ ତେବେ ଦାମ୍ ନି ହେବାକାମାୟ ଇତିସ୍ ଆରି ଆଦିକ୍ ଜାଜ୍ମାଲ୍ ମେହା । ୧୦ ଲାଗିଂ ପୁନି ଜାଜ୍ମାଲ୍ ମେହାଆଜି ମାଚାତ୍, ହେଦାଂ ହେବେତାଂ ବେସି ଆଦିକ୍ ଜାଜ୍ମାଲ୍ ମେହା ବିସ୍ତେନି ପିସ୍ତି ପୁନି ଜାଜ୍ମାଲ୍ ଆଞ୍ଜିତି ଲାକେ ଆତାସ୍ନା । ୧୧ ଇନାକିଦେଂକି ଜଦି ଅଲପ୍ ବିସ୍ତେ ଜାଜ୍ମାଲ୍ ମେହାଆତାତ୍, ତେବେ ଜୁର୍ ଜୁର୍ ବିସ୍ତେ ଆରେ ଆଦିକ୍ ଜାଜ୍ମାଲ୍ତ ମାନାତ୍ ।

୧୨ ଆତିସ୍ପା, ଏଲେଙ୍ଗବାତ୍ ବାସ୍ ପାୟା ଆଜି ଆପେଂ ବେସି ସାସ୍ କାପ୍ ଆନାପ୍, ୧୩ ଆରେ, ଇସ୍ତାଏଲ୍ ହିମ୍ଣାଂ ଇନେସ୍ ହେ ଅଲପ୍ କାଜିଂ ଜାଜ୍ମାଲ୍ ବୁତାନି ବାହା କାଜିଂ ତିର୍ ହୁଡ୍ଡୁ, ହେଦାଂ କାଜିଂ ମସା ଇନେସ୍ ବାନି ଜାର୍ ମୁମ୍ଦ ତାବାୟ ଆଜି ମାଚାର୍, ଆପ୍ ହେ ବାନି କିତପା । ୧୪ ମତର୍ ହେଞ୍ଜରତି ଗିଆନ୍ କାଣ୍ଟୁ ଆର୍ଡିକ୍ନା, ଇନାକିଦେଂକି ନେଜେଙ୍ଗ୍ ପାତେକ୍ ଲାମା ନିୟମ୍ତ ପାଟ୍ ସମୁତ ହେ ତାବାୟ କିୟାତାକା ଆଗେ ଲାକେ ମାନାତା, ଆରେ କ୍ରିସ୍ତାତାକେ ହେ ତାବାୟ କିୟାତାକା ଜେ ବୁତା ଆନାତ୍, ଇଦାଂ ହଡତା । ୧୫ ମତର୍ ନେଜେଙ୍ଗ୍ ପାତେକ୍ ମସାତି ବିଦି ପାଟ୍ ପଡ୍ଡିକିନି ସମୁତ ହେଞ୍ଜର୍ ନେଞ୍ଜେତାକି ତାବାୟ କିୟାତାକା ହାର୍ ମାନ୍ଗାନାତ୍, ୧୬ ମତର୍ ଦରମ୍ ସାସ୍ପର୍ ଇନାତ୍ ଇମ୍ଣାକାର୍ ମାପୁନିପ ହାନାର୍ ହେଞ୍ଜର୍ ତାବାୟ କିୟାତାକା ଜେୟାନାତ୍ । ୧୭ ମାପୁ ଜିବୁନ୍ ଆନାନ୍; ଆରେ ଇମେତାକେ ମାପୁତି ଜିବୁନ୍ ହେବେ ଜାର୍ ମାନ୍ । ୧୮ ମତର୍ ଆସେଙ୍ଗ୍ ଝିଜାସ୍ ପୁକ୍ୟାତି ମୁମ୍ ଦାପାଣ୍ଡତ ହୁଡ୍ଡି ଲାକେ ମାପୁତି ଜାଜ୍ମାଲ୍

ହୁଡ଼ ହୁଡ଼ ଜ୍ଞାନମାଲ୍ ମେହାତି ଅବସ୍ଥାତା° ଆଦିକ୍ ଜାଜ୍ଞମାଲ୍ ମେହାତି ଅବସ୍ଥା ଗାଟାଜି ହେଝାନ୍ତି ହେ ପୁଡ଼ଡ଼ା ବାଦଲ୍ ଆତାସ୍ନା; ଲାଗି° ମାପୁ ଇନେନକି ଜିବୁନ୍, ହେଝାନ୍ ତା° ଇ ସବୁ ଆନାତା ।

୪

ଚିକ୍ଲା ଟାଣ୍ଡିତା° ସାଗେନି କାବୁର୍

୧ ଲାଗି°, ଆପ୍ ଦୟା ପାୟା ଆଜି ଇ ହେବାକାରୟା ପାପ୍ ପାୟା ଆଦେ° ସାସ୍ ହିଲ୍ଝାକା ଆକାୟ୍, ୨ ମତର୍ ଆପ୍ ଲାଜୁ ଡ଼କୁତି ବିସ୍ତେ ସବୁ ପିସ୍ତାପ୍ନା; ଲାଗି° ଆପ୍ ବାନ୍ୟାତା° ଚିନ୍ତା କିଡ଼ପା ନଲେ ଇସ୍ପର୍ ବଚନ୍ ଚାତୁର୍ତା° ଚିନ୍ତା କିଡ଼ପା, ମତର୍ ହାଡ଼ପାତା° ହପ୍ନି ହୁକେ ଇସ୍ପର୍ ସାକିତ ଜାଣକେ ମାନାୟାର୍ତି ଗିଆନ୍ ଲାଗା° ଜାର୍ ଜାର୍ତି ହାର୍ଦାକା ଚଟ୍ନାପା । ୩ ମତର୍ ଆତିସ୍ପା ମାଦା° ନେକ୍ରିକାବୁର୍ ପ୍ତାକ୍ୟା ଆତାଡ଼ ହେଦା° ବୁଡାତାକାରି° ପାକ୍ୟାତ ପ୍ତାକ୍ୟାତାଡ଼; ୪ ଇସ୍ପର୍ ଗାଗାଡ଼୍ ଜେ କ୍ରିସ୍ ତା ଜାଜ୍ଞମାଲ୍ ଲାକେ ନେକ୍ରିକାବୁର୍ ଅଜଡ଼୍ ଇନେସ୍ ଇବାନି ମାନାୟାର୍ କାଜି° ହମେଡ଼୍, ଇଦା° କାଜି° ଇ ସାୟାର୍ନି ପାଡ଼୍ କିଝାକାର୍ତି ଗିଆନ୍ କାଣ୍କୁ କାଣା କିତାଡ଼ନା । * ଇନାକିଦେ°କି ଆପ୍ ଜାର୍ତି ସୁଣାୟ୍ କିଡ଼ପା, ମତର୍ କ୍ରିସ୍ ଜିସ୍ ଜେ ମାପୁ ଆରେ ଜିସ୍ତି କାଜି° ଆପ୍ ଜେ ମି ଆଡ଼ିୟା, ଇଦା° ସୁଣାୟ୍ କିନାପ୍ । ୬ ଇନାକିଦେ°କି ଇମ୍ଫା ଇସ୍ପର୍ ଇଞ୍ଜି ମାଚାନ୍ “ମାଜ୍ଗାତା° ଅଜଡ଼୍ ହଝେଡ଼୍ ଇଞ୍ଜି ବଲ୍ ହିଜି ମାଚାନ୍ ।” ଇମ୍ଫା ଇସ୍ପର୍, ହେଝାନ୍ ଜିସ୍ କ୍ରିସ୍ତି ମୁମ୍ଦ ହତି ଇସ୍ପର୍ ଜାଜ୍ଞମାଲ୍ନି ଗିଆନ୍ନି ଅଜଡ଼୍ ଚଟ୍ନି କାଜି° ମା ଝାୟ୍ଡିତ ଅଜଡ଼୍ ହପ୍ତାନ୍ନା ।

୭ ମତର୍ ଗାଜା ସାକ୍ତି ଜେ ଇସ୍ପର୍ତି, ଆରେ ହେଦା° ଜେ ମା ତା° ଉବ୍ଜାଣ୍ ଆକାୟ୍, ଇଦା° ଇନେସ୍ ହନାଡ଼୍, ଇଦା° କାଜି° ଆପ୍ ଇ ଦାନ୍ ଚିକ୍ଲା ଟାଣ୍ଡିତ ପାୟାତାପ୍ନା; ୮ ଆପ୍ ସବୁବାନି ଦୁକ୍ବଗ୍ କିନାପା, ଆତିସ୍ପା ମାନ୍ବାଜାୟ୍ କିଝାତାପ୍ନା; ହାତି ଗିଆନ୍ ଆତାପ୍ନା, ଆତିସ୍ପା ମାନ୍ବାଜାୟ୍ କିଝାତାପ୍ନା । ୯ ହିଝାପାୟାତାପ୍ନା, ଆତିସ୍ପା ପିହ୍ଯା ଆଝାତାପ୍ନା; ଆଦା ମୁର୍ଯାତାପ୍ନା, ଆତିସ୍ପା ବୁଡା ଆଝାତାପ୍ନା; ୧୦ ଆପେ° ନିଡେ ଜିସ୍ତି ହାତି ଗାଗାଡ଼୍ତ ଏଡୁ କିନାପା, ଇନେସ୍ ଜିସ୍ତି ଜିବୁନ୍ ପା ମା

ଗାଗାଡ଼ତ ହଞ୍ଜେଡ଼ । ୧୧ ଇନାକିଦେଂକି ଜିସୁତି ଜିବୁନ୍ ଇନେସ୍ ମା ହାତି ଗାଗାଡ଼ତ ହନାଡ଼, ଇଦାଂ କାଜିଂ ଆପ୍ ଜିବୁନ୍ ଆତିସ୍‌ପା ନିତ୍ରେ ଜିସୁତି କାଜିଂ ହାକି ମୁମ୍‌ଦ ହେଲ୍ଲାୟ୍ କିଞ୍ଜାତାପନା । ୧୨ ଇ ବାନିତ ମା ତାକେ ହାକି, ମତର୍ ମି ତାକେ ଜିବୁନ୍ କାମାୟ୍ ମାନି କିନାଙ୍ଗା ।

୧୩ “ଆନ୍ ପାତର୍ କିତାଙ୍ଗ୍ ଲାଗିଂ କାତା ଇଚାଂ ।” ଇ ଲେକିକିତି ବଚନ୍ ଲାକେ ହେ ପାତର୍ ଲାଗ୍‌ଦି ଜିବୁନ୍ ପାୟା ଆଜି ମାଟିଲେ ଆପ୍ ପା ପାତର୍ କିନାସ୍ ଲାଗିଂ କାତା ଇନାସ୍; ୧୪ ଇନାକିଦେଂକି ଆପ୍ ପୁନାସ୍ ମାପୁ ଜିସୁଙ୍ଗ୍ ଇନେର୍ ନିକ୍‌ତାର୍ ହେଞ୍ଜାନ୍ ମାଙ୍ଗେଙ୍ଗ୍ ପା ଜିସୁତି ଲାହାଙ୍ଗ୍ ନିକ୍‌ତାନାନ୍ ଆରି ତା ମୁମ୍‌ଦ ନି ଲାହାଙ୍ଗ୍ ମାନ୍‌ଗାନାନ୍ । ୧୫ ଲାଗିଂ ସବୁ ବିସ୍ତେ ମି କାଜିଂ ଆନାତା, ଇନେସ୍ ହେନି ମାନାୟାତାକେ ଉପକାର୍ ବେସି ବାତା ଆଜି ଇସ୍‌ତର୍ ଜାଜ୍‌ମାଲ୍‌ତ ବେସି ଜୁଞ୍ଜାର୍ କାରଣ୍ ଆନାଡ଼ ।

ପାତର୍ ନି ଜିବୁନ୍

୧୬ ଲାଗିଂ ଆପ୍ ଖାହୁପା ମତର୍ ମା ବାର୍‌ତି ମାନାୟାତ୍ କିତି ପାୟା ଆଞ୍ଜିତିସ୍ତା ମା ଖାସ୍‌ନି ମାନାୟାତ୍ ଦିନତିଂ ଦିନ୍ ପୁନାକା ଆନାତା । ୧୭ ଇନାକିଦେଂକି ଇ ଅଲପ୍ କାଡ଼୍ କାଜିଂ ଲକୁ ଦୁକ୍ ବେସି ବଞ୍ଜାଡ଼୍ ଲାକେ ମା କାଜିଂ ଓଜ୍‌ଞ୍ଜି କାଡ଼୍ ପାତେକ୍ ଗାଜା ଇ ଜାଜ୍‌ମାଲ୍ ମାନ୍‌କିନାପା; ୧୮ ଲାଗିଂ ଆପେଂ ହୁଡ଼୍‌ନି କାଜିଂ ଇଚ୍‌କାଡ଼୍ କିଞ୍ଜାଦାଂ ହୁଡ଼୍‌ଞ୍ଜି ବିସ୍ତେ କାଜିଂ ଇଚ୍‌କାଡ଼୍ କିନାପା ଇନାକିଦେଂକି ବାହା ବିସ୍ତେ ଅଲପ୍ କାଡ଼୍ କାଜିଂ ମତର୍ ବାହା ହୁଡ଼୍‌ଞ୍ଜି ବିସ୍ତେ ଓଜ୍‌ଞ୍ଜି କାଡ଼୍ ପାତେକ୍ ।

୫

୧ ଇନାକିଦେଂକି ଜଦି ମା ଇ ତୁମ୍ ଲାକେ ଦିନେକ୍‌ନି ଗାଗାଡ଼୍ ଇଲ୍ ଡ୍ରିଙ୍ଗ୍‌ଜି ହାନାଡ଼୍, ଖାଟିଙ୍ଗ୍ ଇସ୍‌ର୍ ରଚ୍‌ତି କାଇଦାଂ ରଚ୍‌ତି ମା ର ଓଜ୍‌ଞ୍ଜିକାଡ଼୍ ପାତେକ୍ ଇଲ୍ ଜେ ସାର୍‌ଗେତ ମାନାଡ଼୍, ଇଦାଂ ଆସେଙ୍ଗ୍ ପୁନାସ୍ । ୨ ଲାଗିଂ ଆପେଂ ତ ମା ସାର୍‌ଗେନି ଇଲ୍ ଲାକେ ହେନ୍ଦ୍ରାତ ଉସ୍‌ପେଦେଂ ବେସି ଇଚା କିଜି ଇଞ୍ଜି ମାନ୍ ମାନ୍ ଆଡ଼୍‌ବାନାପା;

୩ ଇ ଲାକେ ଉସ୍‌ପିତିସ୍ ଆସେଙ୍ଗ୍ ନାଗଡ଼ା ଚଞ୍ଜୁସ୍ । ୪ ଇନାକିଦେଂକି ଆସେଙ୍ଗ୍ ଇ ତୁମ୍‌ତ ବାହା କିଜି ଖାସ୍‌ସି ଆଡ଼୍‌ବାନାସା । ଲାଗିଂ ଆପ୍ ଜେ

ଉତ୍ସପେଦେଂ ପିସ୍ତେଙ୍ଗ୍ ମାନ କିନାସ୍, ହେଦାଂ ଆକାୟ୍, ମତର୍ ଜିବୁନ୍
ଇନେସ୍ ପୁତର୍ ଚିଂ ଗୁହ୍ନାଡ୍, ଇଦାଂ କାଜିଂ ଇ ହେୟା ଜପି ବିନ୍ ହେୟା
ଉତ୍ସପେଦେଂ ଆସେଙ୍ଗ୍ ଇଚା କିନାସା । ୫ ଆରେ ଜେ ଇଦାଂ କାଜିଂ
ମାଙ୍ଗେଙ୍ଗ୍ ଜାଲ୍ଲଦି କିଡ୍ତାନନା, ହେଞ୍ଜାନ୍ ଇସ୍ବର୍, ହେଞ୍ଜାନ୍ ମାଙ୍ଗେଙ୍ଗ୍
ହାଡ୍ପା ଲାକେ ଜିବୁନ୍ ପା ଦାନ୍ ହିଡ୍ନା ।

୬ ଇଚିସ୍ ଆସେଙ୍ଗ୍ ନିତ୍ରେ ସାହାସିକାପ୍, ଆରେ ଇ ଗାଗାଡ୍ଡ
ଏଚେକାଡ୍ଡ ଦିନା ପାତେକ୍ ବାହା କିନାପା, ହେ ପାତେକ୍
ଇନେର୍ ମାପୁତାଂ ଇଞ୍ଜାଙ୍ଗ୍ ଦେହା ବାହାକିନାପା, ଇଦାଂ ପୁନାସ୍
। ୭ ଇନାକିଦେଂକି ଆପ୍ ବାହା ବିସ୍ତେ ହିଜି ଜିବୁନ୍ ଜିଉଣା କିଞ୍ଜାଦାଂ
ପାତର୍ ଜିବୁନ୍ ଜିଉଣା କିନାସ୍ । ୮ ଆଁ ଆସେଙ୍ଗ୍ ସାସ୍ନିକାପ୍,
ଆରେ, ଗାଗାଡ୍ଡତାଂ ଦେହା ବାହା ଜିସୁ ଆରି ମାପୁ ଲାଗାଂ ବାହା
କିଦେଙ୍ଗ୍ ମା ଆଦିକ୍ ସାରି । ୯ ଲାଗିଂ ପା ନିଜ୍ ଇଞ୍ଜାକାର୍ ଆଏର୍ କି
ବିନ୍ ଇଞ୍ଜାଆଏର୍, ତା ଲାଗାଂ ସାରି ଆନି ମା ଇଚା । ୧୦ ଇନାକିଦେଂକି
ହାର୍ ଆଏଡ୍ ନଲେ ବାନ୍ୟା ଆଏଡ୍ ଓଜାକାର୍ ପୁତର୍ ନି ଗାଗାଡ୍ଡ ହୁକେ
କିତି କାମାୟ୍ ଲାକେ ପାଡ୍ ପାୟାନି କାଜିଂ କ୍ରିସ୍ତୁତି ବିଚାର୍ ମୁମ୍ଦ ମା
ଓଜାରିଂ ଚଞ୍ଜୟାନାକା ମାନାଡ୍ ।

କ୍ରିସ୍ତୁତି ଲାହାଂ ମେହାଜି ହେବାକିନାକା

୧୧ ଲାଗିଂ, ମାପୁ ବିସ୍ତେନି ପାଣ୍ଡାନାକା ପୁଚିଲେ ଆପ୍ ମାନାୟାରିଂ
ପୁସ୍ବରାଈ କିନାସା, ମତର୍ ଆପ୍ ଇସ୍ବତର୍ ମୁମ୍ଦ ହତାକାପ୍, ଆରି
ମି ଚିନ୍ତା ସାକ୍ତି ଲାଗାଂପା ଜେ ହତାପ୍ନା ଇଦାଂ ଆନ୍ ଆହା କିନାଙ୍ଗ୍
। ୧୨ ଆପ୍ ଆରେ ରଗ ମି ଲାଗାଂ ଜିବୁନ୍ ଦୁକ୍କିନାକା କିଉପା, ମତର୍
ଇମ୍ପଣାକାର୍ ଖାସ୍ତିତାଂ ବିସ୍ତେନି ଗରବ୍ କିଞ୍ଜାଦାଂ, ବାର୍ତି ବିସ୍ତେ ଗରବ୍
କିଡାର୍, ହେଞ୍ଜାରିଂ ଇନେସ୍ ଉତର୍ ହିଦେଂ ଆଡ୍ନାଦେର୍, ଇଦାଂ
କାଜିଂ ମା ପାକ୍ୟାତ ଗରବ୍ କିନି କାଜିଂ ମିଙ୍ଗେଙ୍ଗ୍ ସୁବିଦା ହିଦ୍ନାପା ।
୧୩ ଲାଗିଂ ଜଦି ଆପ୍ ବୁଦିହିଲ୍ଖାକାପ୍, ହେଦାଂ ଇସ୍ବତର୍ କାଜିଂ; ନଲେ
ଜଦି ହାଦର୍ ଗିଆନିର୍, ହେଦାଂ ମି କାଜିଂ । ୧୪ ଇନାକିଦେଂକି କ୍ରିସ୍ତୁତି
ଜିଉନନାକା ମାଙ୍ଗେଙ୍ଗ୍ ଲାତ୍ରାତ ଇଡ୍ଜି ଚଲାୟ୍ କିଦ୍ନାନା, ଲାଗିଂ
ଆପ୍ ଇ ବିଚାର୍ କିତାପ୍ନା ଜେ ରଞ୍ଜାନ୍ ଓଜାରିଂ କାଜିଂ ହାନି ବଗ୍ ଜିସୁ

☆ ୫:୧୦ ୫:୧୦ ରମିୟ ୧୪:୧୦.

ମାଟିଲେ ଝିଜାର ହାତାର; ^{୧୫} ଆରେ ହେଝାନ ଝିଜାର କାଜିଂ ହାକି ବଗ୍ କିତାନ, ଇନେସ୍ ଇମ୍‌ଶାକାର ଜିତାକାର, ହେଝାର ଆରେ ଜାର ଜାର କାଜିଂ ଜିବୁନ୍ ଜିଉଣା କିଝାଦାଂ ଇତିସ୍ ଜେ ହେଝାର କାଜିଂ ହାକି ବଗ୍ କିତାର ଆରେ ନିଙ୍‌ତାନ, ତା କାଜିଂ ଜିବୁନ୍ ଜିଉଣା କିତାର ।

^{୧୬} ଲାଗିଂ ନେଜେଙ୍‌ତାଂ ଆପ୍ ଗାଗାଡ୍ ଇସାବେ ଇନେରିଂ ବିଚାର୍ କିଉପା, ଆତିସ୍‌ପା କ୍ରିସ୍‌ତିଂ ଗାଗାଡ୍ ଇସାବେ ଆପ୍ ବିଚାର୍ କିନାପା, ଆତିସ୍‌ପା ନଙ୍ ଆରେ ତାଙ୍‌ଜେଙ୍ ହେ ଲାକେ ବିଚାର୍ କିଉପା । ^{୧୭} ଲାଗିଂ ଜଦି ଇନେର୍ କ୍ରିସ୍‌ତାକେ ମାନାନ୍, ଝାଟିଙ୍ ହେଝାନ ପୁନି ଉଦ୍‌ଜାଣ୍ ଆତାନ୍ନା; ଲାମା ବିସ୍ତେ ସବୁ ବୁତା ଆତାଡ୍‌ନା, ହୁଡାଡ୍, ପୁନି ବିସ୍ତେ ସବୁ ଆତାଡ୍‌ନା । ^{୧୮} ମତର୍ ଝିଜୁ ବିସ୍ତେ ଇସ୍‌ବରତାଂ ଆତାଡ୍‌ନା; ହେଝାନ କ୍ରିସ୍‌ତି ହୁକେ ଜାର ଲାହାଙ୍ ମାଙ୍‌ଜେଙ୍ ମେହାୟ୍ କିଡ୍‌ତାନନା ଆରି ହେ ସୁସ୍ତାନି ହେବା ପାଦ୍ ମାଙ୍ ହିଡ୍‌ତାନ୍ନା । ^{୧୯} ହେ ସୁସ୍ତାନି ବଚନ୍ ଆନାତା, ଇସ୍‌ବର କ୍ରିସ୍‌ତି ହୁକେ ପୁତ୍‌ନି ମାନାୟ୍‌ର ଜାତିତିଂ ତା ଲାହାଂ ଆରେ ମେହାୟ୍ କିଦେଙ୍ ବିଦି ହିଡାଣ୍ଣା । ତା ବିରୁଦ୍‌ତ ହେଝାରତି ପାପ୍ ସବୁ ହେଝାନ ଆରେ ତା ହିସାବ୍ରେ ଇନ୍‌ଝାତାନ୍ନା । ଆରେ ଇ ଆରେ ମେହାୟ୍‌ତ କାତା ସୁଶାୟ୍ କିନି ଦାୟିଡ୍ ମା ଜପି ହେଲାୟ୍ କିଡ୍‌ତାନନା ।

^{୨୦} ଲାଗିଂ ଇସ୍‌ବର ମା ହୁଦାଂ କୁକ୍‌ତି ମାଟିଲେ ଆପ୍ କ୍ରିସ୍‌ତି ପାକ୍ୟାତ ରାଜ୍‌ପୁଡ୍‌ନି କାମାୟ୍ କିନାପା; କ୍ରିସ୍‌ତି ପାକ୍ୟାତ ତାଙ୍ ଆପ୍ ଗଝାରି କିଦ୍‌ନାପା, ଏପେଙ୍ ଇସ୍‌ବର ଲାହାଂ ମେହାଆଡୁ । ^{୨୧} ଇନାକାନ୍‌ତାକେ ପାପ୍ ଇନାକାପା ହିଲ୍‌ଝାତାଡ୍ ତାଙ୍‌ଜେଙ୍ ହେଝାନ ମା କାଜିଂ ପାପ୍ ଲାକେ କିତାନ ଇନେସ୍ ଆପ୍ ତାହୁଦାଂ ଇସ୍‌ବର୍ ଦାମ୍ ଲାକେ ଆନାସ୍ ।



^୧ ଆରେ ପା ଇସ୍‌ବର୍ ଉପ୍‌କାର୍ ପାୟ୍‌ତି ଇନେସ୍ ମି ତାକେ ପଲ୍ୟା ଆଉଡ୍, ଇଦାଂ କାଜିଂ ତା ଲାହାଙ୍ ରବେ କାମାୟ୍ କିଜି, ଜିସୁ ଆପେଂ ଗଝାରି କିଦ୍‌ନାପା । ^୨ ଇନାକିଦେଂକି “ହେଝାନ ଇନାନ୍, ଆପ୍ ଉପ୍‌କାର୍‌ନି ସମୁତ୍ ମି ପାର୍ତ୍ତାନା ଝେଟାପ୍, ଆରେ ମୁକ୍‌ତାନି ଦିନ୍ତ ଆପ୍

ମି ହେବା କିତାପ୍ ।” ଖେନାଟ୍ ନଙ୍ଗ୍ ବେସି ଉପକାରନ୍ତି “ସମ୍ମୁ ହୁଡ଼ାଟ୍, ନଙ୍ଗ୍ ମୁକ୍ତାନି ଦିନ୍ ।”

୩ ଇନେସ୍ ମା ହେବା ପାଦ୍ ଦସ୍ ଆମେଡ୍, ହେଦାଂ କାଜିଂ ଆପ୍ ଇମ୍ଣି ବିସ୍ତେ ବାଦା ହିଦ୍ମେଡ୍, ୪ ଇତିସ୍ ଆପେଂ ସବୁ ଅବସ୍ତାତ ଜାର୍ତିଂ ଇସ୍ପର୍ ହେବାକାରୟା ଲାକେ ଜାଣା କିଇକିଦ୍ନାପା । ଓଁଜ୍ଓ କାମାୟ ଲାହାଙ୍ଗ୍ ଆପ୍ ସବୁ ବାନି ଦୁକ୍, ଅବାବ୍ ଆରି କସ୍ ହୁସ୍ତାପ୍ନା; ୫ ଫାନତାଂ, ଜିଇଲ୍‌ଇଞ୍ଜାଙ୍ଗ୍ ମାନିହିଂ, ଗଣ୍ଡଗଲ୍‌ତାଂ, କସ୍ତାଂ, ଚେଡ୍‌ନାତାଂ, ଉପାସ୍ତାଂ, ୬ ପୁଇପୁୟାତାଂ, ଗିଆନ୍ତାଂ, ଲାମାହୁଦାରତାଂ, ଦୟା, କଞ୍ଜାଣ୍ ବାବ୍ରେ, ପୁଇପୁୟା ଜିବୁନ୍ତାଂ, କାପ୍ତିୟା ଆଞ୍ଜାଦାଂ, ଜିଉନନାକା, ୭ ସଡ୍ ବଚନ୍ତ ଇସ୍ପର୍ କାରୁର୍ନି ସାକ୍ତିତ ବୁଜ୍ଣି ଆରି ତେବ୍ରି କେଇଦ ଦାମ୍ ଆଡ୍ ଆତିୟାର୍ ହୁକେ, ୮ ଜାଜ୍ମାଲ୍ ଆରି ଖାରି କିଞ୍ଜାକାର୍ ହୁକେ ତାକ୍ପୁଟାଆଞ୍ଜାକା ଆରି ତାକ୍ପୁଟା ଆନାକା ହୁକେ, ମିବ୍‌ଖା ଲାକେ ଆଞ୍ଜିତିସ୍ ହାଡ୍‌ପା ଇନାକାନ୍, ୯ ଅତିନା ଲାକେ, କି ଜାଣାତିନା, ହାତିଲାକେ, କି ହୁଡ଼ାଟ୍ ଆପ୍ ଜିତାପ୍ନା, ତାଣ୍ଡପାୟାତି ଲକ୍ ଲାକେ ହାଞ୍ଜାତାପ୍ନା, ୧୦ ଆଞ୍ଜିତିସ୍ ହାତି ଲାକେ, ଅକ୍ ଲାକେ, ମତର୍ ନିତ୍ରେ ଦୁକ୍‌କିନାକା, ଇନାକା ହିଲ୍‌ଖାକାର୍ ଲାକେ, ମତର୍ ହେନି କାଜିଂ ଦାନ୍ ହିନି ଲକ୍ ଲାକେ, ମୁଡ୍‌କେ ପୁନ୍‌ଞ୍ଜାତାକା ଲାକେ, ଆଞ୍ଜିତିସ୍ ଓଁଜ୍ଓ ଆଦିକାରି; ଇ ଓଁଜାଟ୍ ଆପ୍ ଇସ୍ପର୍ ହେବାକାରିୟାର୍ ଲାକେ ଜାର୍ ଜାର୍ତି ଜଗ୍ ଇଞ୍ଜି ହପ୍ନାପା ।

୧୧ ଏ କରନ୍ତିୟ, ଖାରିନି ଟଣ୍ଡାର୍ ଆରି ତଣ୍ଡେକ୍ ମି କାଜିଂ ମା ଖେଇ ଜେୟା ଆତାଡ୍‌ନା, ମା ଖାସ୍ ଅହାର୍ ଆତାଡ୍‌ନା । ୧୨ ମି କାଜିଂ ମା ଜିଉନନାକା ଉଚ୍ଚିଂ ଆକାୟ, ମତର୍ ମି ଜିଉନନାକା ଉଚ୍ଚିଂ । ୧୩ ଜାର୍ ମାଜିରିଂ ଇନି ଲାକେ ଆନ୍ ଇଞ୍ଜନାଙ୍ଗା, ଜିଉନନାକା ଲାକେ ଦାନ୍ ହିଦେଂ କାଜିଂ ଏପେଙ୍ଗ୍ ପା ଅହାର୍ ମାନ୍ ଆଡ ।

ଜିତି ଇସ୍ପର୍ତି ମନ୍ଦିର୍

୧୪ ପାତ୍ କିଞ୍ଜାକାର ଲାହାଙ୍ଗ ସମାନ ଆଞ୍ଜି ଲାକେ ଜାଗାୟ କିୟାମାଟ୍, ଇନେକିଦେଂକି ଦାମ୍ ଆରି ଅଦାମ୍ ବିତ୍ତେ ଇନାକା ମେହାଣ୍ ? ନଲେ ମାଜ୍‌ଗା ଲାହାଂ ଅଜଡ୍ ଇନାକା ମେହାଣ୍ ?

୧୫ ବିଲିୟାର ଲାହାଙ୍ଗ କ୍ରିସ୍ତୁତି କି ମେହାଣ୍ ? ନଲେ ପାତ୍ କିଞ୍ଜାକାନ ଲାହାଙ୍ଗ କି ପାତ୍ କିନାକାନ ଇନାକା ମେହାଣ୍ ?

୧୬ ଶୁଭ୍ରତା ଲାହାଙ୍ଗ ଇସ୍ତୁତ୍ ମନ୍ଦିରନି କି ମେହାଣ୍ ? ଇନାକିଦେଂକି ଆନ୍ ଜିତି ଇସ୍ତୁତ୍ ମନ୍ଦିର ଆନାଙ୍ଗ, ଇନେସ୍ ଇସ୍ତୁର ଇରାନ୍ନା,

“ଆପ୍ ହେଞ୍ଜାର ବିତ୍ତେ ବାହା କିନାସ୍; ଆରେ

ହେଞ୍ଜାର ବିତ୍ତେ ବୁଲାଆନାସ୍;

ଆନ୍ ହେଞ୍ଜାର୍ତି ଇସ୍ତୁର ଆନାସ୍,

ଆରେ ହେଞ୍ଜାର୍ ମା ଲକୁ ଆନାର ।”

୧୭ “ଲାଗିଂ ମାପୁ ଇଦାଂ ଇନାନ୍, ଏପେଙ୍ଗ୍ ହେଞ୍ଜାର୍ ବିତ୍ତେତାଂ ହସି ଖାଡ୍, ଆରେ ବିନେ ଆଡ୍, ଆରେ, ରାଡ୍ ଆଡ୍‌ମାଡ୍‌ ଡୁମାଟ୍; ଆରେ, ଆପ୍ ମିଙ୍ଗେଙ୍ଗ୍ ଇଡ୍‌ଦାନାପ୍ ।”

୧୮ “ଆନ୍ ମି ଆବା ଆନାଙ୍ଗ,

ଆରେ, ଏପେଙ୍ଗ୍ ମା ମାଜି ଗାଡ୍ ଆନାଦେର୍, ଇଦାଂ

ସବୁ ସାକ୍ତିକାଟି ମାପୁ ଇନାନ୍ ।”



୧ ଇତିସ୍ ଏ ଖାରିନି ଟଣ୍ଡାର୍, ଆରି ତଣ୍ଡେକ୍ ଇ ଝିଲୁ. ରାଣ୍ ପାୟାଦେଂ ଖାଡ୍, ଗାଗାଡ୍ ଆରି ଜିବୁନ୍‌ନି ସବୁ ସକଟ୍‌ତାଂ ଜାର୍ ଜାର୍‌ତିଂ ପୁଇପୁୟା କିନାସ୍, ଆରି ଇସ୍ତୁରତିଂ ପାଣ୍ଡୁ ଆଜି ପୁଇପୁୟାତାଂ ହାର୍ ଆନାସ୍ ।

ପାଉଲ୍‌ତି ଖାରି

୨ ମି ଜିବୁନ୍‌ତ ମାଙ୍ଗେଙ୍ଗ୍ ବାହା ହିଦାଟ୍; ଆପ୍ ଇନେର୍ ଅନୟାୟ କିଉପା, ଇନେରିଂ ନସୁ କିଉପା, ଇନେର୍‌ତି ଝିହି କିଉପା । ୩ ଆନ୍ ମିଙ୍ଗେଙ୍ଗ୍ ଦସ୍ ହିଦ୍‌ନି କାଜିଂ ଇଦାଂ ଇଞ୍ଜୁଙ୍ଗା; ଇନାକିଦେଂକି ଆନ୍ ଆଗେ ଇନ୍‌ରାଙ୍ଗନା, ଏପେଙ୍ଗ୍ ମା ଖାସ୍ତିତ ଏପେଙ୍ଗ୍ ବାହା ପାୟା ଆତାଦେଣ୍ଡା ଜେ, ହାତିସ୍ ଆପ୍ ରଚେ ହାନାସ୍, ଆରେ ଜିତିସ୍ ରଚେ

ଜିନାସ୍ । ୪ ମି ତାକେ ନା ପୁରା ପାତ୍ରିଂ ମାନାଡ଼, ମି ବିସ୍ତେ ନା ବେସି ଗରବ୍; ଆନ୍ ଦୁକ୍‌ସାରାୟ୍‌ତ ବାତ୍ରିଂ, ମା ଝିନ୍ଦୁ ଦୁକ୍‌ତ ନା ଦୁକ୍‌କିନାକା ଡ଼ିଜି ହାନାତା ।

୫ ଇନାକିଦେଂକି ମାକିଦନିଆତ ଏକିତି ପାରେ ପା ବାଡ଼ି ଜୁଜ୍ ଆରି ବିତ୍ରେ ପାଣ୍ଡୁଇ ଲାକେ ସବୁ ବାନି ଦୁକ୍‌ବଗ୍ କିତିଲେ ମା ଗାଗାଡ଼୍ ପା ଜମ୍‌ଝାତାଡ଼ । ୬ ଆତିସ୍‌ପା ତ୍ରିକାଡ଼୍ କିନାକାରିଂ ଦୁକ୍‌ସାରାୟ୍ କିନାନ୍ ଜେ ଇସ୍‌ବର୍, ହେଝାନ୍ ତିତସ୍ ଝାନାକା ହୁକେ ମାଜେଙ୍ଗ୍ ଦୁକ୍‌ସାରାୟ୍ କିଦନାନ୍, ୭ ଆରେ, କେବଲ୍ ତିତସ୍ ଝାନାକା ହୁକେ ଆକାୟ୍, ମତର୍ ଇମ୍‌ଣି ଦୁକ୍‌ସାରାୟ୍ ହୁକେ ହେଝାନ୍ ମି ବିସ୍ତେ ଦୁକ୍‌ସାରାୟ୍ ପାୟା ଆଜି ମାତାନ୍, ତା ହୁକେ ପା ଦୁକ୍‌ସାରାୟ୍ କିତାନ୍, ଇନାକିଦେଂକି ହେଝାନ୍ ମି ତ୍ରିକାଡ଼୍ ଆନାକା, ମି ଆଡ଼ବାନାକା, ନା ପାକ୍ୟାତ ମି ଝାରିନି ବିସ୍ତେ ମାଜେଙ୍ଗ୍ ଝେଡ଼ଚାତାନ୍ନା; ହେବେ ଆନ୍ ଆରେ ଆଦିକ୍ ଝାରି ଆତାଙ୍ଗ୍ ।

୮ ଲାଗିଂ ନା ଆକି ହୁକେ ଆତିସ୍‌ପା ଆନ୍ ମିଜେଙ୍ଗ୍ ଦୁକ୍ କିଡ଼ତାଂ, ଆତିସ୍‌ପା ଆନ୍ ହେଦାଂ କାଜିଂ ଦୁକ୍ ଆକାୟ୍; ହେ ଆକି ମିଜେଙ୍ଗ୍ ଅଲପ୍ କାଡ଼୍ କାଜିଂ ପା ଦୁକ୍ ଜିସୁ ମାତିଲେ ହୁଡ଼ଜି ଆନ୍ ଦୁକ୍ ଆଜି ମାତିସ୍ ପା ୯ ନଙ୍ଗ୍ ଦୁକ୍‌କିନାକା କିନାଙ୍ଗା, ଏପେଙ୍ଗ୍ ଜେ ଦୁକ୍ ଆତିସ୍, ହେଦାଂ କାଜିଂ ଆକାୟ୍, ମତର୍ ମି ଦୁକ୍ ଜେ ମି ମାନ୍‌ବାଦ୍‌ଲାୟ୍ କିନି କାରଣ୍ ଆତାଡ଼, ଇଦାଂ କାଜିଂ; ଲାଗିଂ ମା ହୁକେ ମିଦାଂ ଇନେସ୍ ଇନାକାପା ନସ୍ ଆଡ଼ଡ଼, ହେଦାଂ କାଜିଂ ଏପେଙ୍ଗ୍ ଇସ୍‌ବତ୍ ଇଚା ଲାକେ ଦୁକ୍ ପାୟା ଆତାର୍ । ୧୦ ଇନାକିଦେଂକି ଇସ୍‌ବତ୍ ଇଚା ଲାକେ ଇମ୍‌ଣି ଦୁକ୍, ହେଦାଂ ମୁକ୍‌ଡ଼ାନି କାଜିଂ ଏପେଙ୍ଗ୍ ମାନ୍‌ବାଦ୍‌ଲାୟ୍ ହପ୍‌ନାଡ଼, ଇନାକା କାଜିଂ ଏଡ଼ୁକିଦେଂ ଲାଗୁଡ଼ୁଡ଼; ମତର୍ ଜଗଡ଼ନି ଦୁକ୍ ହାକି ହପ୍‌ତାନାଡ଼ । ୧୧ ଲାଗିଂ ହୁଡ଼ାଡ଼, ଇସ୍‌ବତ୍ ଇଚା ଲାକେ ଏପେଙ୍ଗ୍ ଇ ଇମ୍‌ଣି ଦୁକ୍ ପାୟାତାଦେର୍, ହେଦାଂ ମି ତାକେ କେତେକ୍ ଝାରି, ଆଁ, କେତେକ୍ ଦାବା ଝିସ୍ତାଦେର୍, ଆଁ କେତେକ୍ ରିସା, ଆଁ କେତେକ୍ ପାଣ୍ଡୁ ଆଁ କେତେକ୍ ମାନ୍, ଆଁ କେତେକ୍ ଝାରି, ଆଁ କେତେକ୍ ଉପାୟ୍ ହପ୍‌ତାଡ଼ନା । ଇ ବିସ୍ତେ ଏପେଙ୍ଗ୍ ପୁରା ଅନ୍‌ୟାୟ୍ ଇଞ୍ଜି ସାକି ହିନାୟା ।

୧୨ ଲାଗିଂ ଆତିସ୍‌ପା ମି ଲାଗାଂ ଲେକିକିତାଂ, ଆତିସ୍‌ପା ଜେ ଅନ୍‌ୟାୟ୍ କିତାଂନା, ନଲେ ଇନେନ୍ ଅନ୍‌ୟାୟ୍ ହୁଞ୍ଜନାନା, ହେଦାଂ କାଜିଂ

ଜେ ଲେକିକିତାଂ, ହେଦାଂ ଆକାୟ୍, ମତର୍ ମା କାଜିଂ ମି ମାନ୍ ଇନେସ୍ ଇସ୍ୱର୍ ମୁମ୍ଦ ମି ବିସ୍ତେ ହନାତ୍ ହେଦାଂ କାଜିଂ ଲେକିକିତାଂ । ୧୩ ଆରେ ମା ଦୁକ୍‌ସାରାୟ୍ ଲାଗିଂ ଆପ୍ ବେସି ଖାରି, ହେଦାଂ ଖେର୍ଦେଂ ଆନ୍ ଆକି ଲେକିକିତାଙ୍ଗନା ।

ଆପ୍ କେବଲ୍ ଖାରିୟା ଆଖାତାପ୍‌ନା । ଏପେଙ୍ଗ୍ ତିତସ୍‌ତିଂ ସବୁ ବାନିନି ଉପ୍‌କାର୍ କିଜି ଇନେସ୍ ବାବ୍ରେ ଖାରି କିତାଦେଣ୍ଟା, ହେଦାଂ ତା ଜିବୁନ୍ ମାଙ୍ଗେଙ୍ଗ୍ ଖାରି କିତ୍‌ତାତ୍ । ୧୪ ଲାଗିଂ ଜଦି ଇମ୍‌ଣି ବିସ୍ତେ ତିତସ୍ ଲାଗାଂ ମି ବିସ୍ତେ ଆନ୍ ଗରବ୍ କିତାଙ୍ଗନା, ଖାଟିଙ୍ଗ୍ ଲାଜାଆଖାତାଂନା, ଇଚିସ୍ ଇନେସ୍ ଆପେଂ ସବୁ ବିସ୍ତେ ମିଙ୍ଗେଙ୍ଗ୍ ହାତ୍‌ପା ଇଞ୍ଜି ମାନ୍‌ଚାପ୍, ହେ ଲାକେ ତିତସ୍ ମୁମ୍ଦ ମା ଗରବ୍ ପା ହାତ୍‌ପା ଇଞ୍ଜି ଜାଣା ଆତାତ୍‌ନ୍ନା । ୧୫ ଆରେ, ଇନେସ୍ ପାଣ୍ଡୁଆରି ତ୍ରିପ୍‌କିସ୍ ଏପେଙ୍ଗ୍ ତାଙ୍ଗ୍ ମାନି କିଜି ଖିଜାଦେର୍ ତାଙ୍ଗ୍ ମାନିକିନାଦେର୍, ଇଦାଂ ଏତୁ କିଜି ମି କାଜିଂ ତା ଖାସ୍‌ସିନି ଜିତନନାକା ଆଦିକ୍ ବାତାଆନାତା । ୧୬ ଆନ୍ ଜେ ସବୁ ବିସ୍ତେ ମି ତାକେ ପୁରା ପାତ୍ କିତିଲେ, ଇଦାଂ କାଜିଂ ବେସି ସୁକ୍ ଆନାଙ୍ଗା ।

୮

କ୍ରିଷ୍ଟିୟାନ୍ ଦାନ୍

୧ ☆ଏ ଟଣ୍ଡାର୍, ଆରି ତଣ୍ଡେକ୍ ମାକିଦନିଆନି ମଣ୍ଡଲିନିକାର୍ ବିତ୍ରେ ଇସ୍ୱର୍ତ୍ ହତ୍‌ତାତ୍‌ନା ଇମ୍‌ଣି ଉପ୍‌କାର୍ ହତାତ୍‌ନା, ହେଦାଂ ଆପ୍ ମିଙ୍ଗେଙ୍ଗ୍ ଜାଣାୟ୍‌କିଦ୍‌ନାପା । ୨ ହେଖାର୍ ବେସି ଦୁକ୍ ଲାକେ ପରିକ୍ୟାତ ଆର୍‌ତିସ୍‌ନେ ହେଖାର୍‌ତି ବେସି ଦୁକ୍‌କିନାକା ବେସି ନାସ୍‌କି ବିତ୍ରେ ପା ବେସି ବାବ୍ରେ ଆଦିକ୍ ଦାନ୍ ହିଜି ଉବ୍‌ଜାଣ୍ ଆତାତ୍‌ନ୍ନା । ୩ ଇନାକିଦେଂକି ଆନ୍ ସାକି ହିନାଙ୍ଗା ଜେ, ହେଖାର୍‌ତି ସାକ୍ତି ଇସାବ୍‌ରେ, ଇଚିସ୍ ହେଖାର୍‌ତି ସାକ୍ତିନି ବେସି ବାବ୍ରେ ହେଖାର୍ ଦାନ୍ କିତାର୍; ୪ ସାଦୁର୍ ହେବାତ ମେହାଣ୍‌ତାଂ ଉପ୍‌କାର୍ ପାୟାନ୍ କାଜିଂ ହେଖାର୍ ମାନ୍ତ ବେସି ଗଖାରି ଲାହାଂ ମାଙ୍ଗ୍ ଗଖାରି କିତାର୍ । ୫ ଇବେଣ୍ଟାଂ ହେଖାର୍ ଜେ କେବଲ୍ ମା ଆହା ଇସାପ୍ରେ କିତାର୍, ହେଦାଂ ଆକାୟ୍ ମତର୍ ଇସ୍ୱର୍ତ୍ ମାନ୍ ହୁକେ ଚାଲା ଆଜି ପର୍ତୁମ୍

☆ ୮:୧ ୮:୧ ରମିୟ ୧୫:୨୭.

ରୁଣ୍ଡାୟ କିତାନ୍, ତାଦାଂ ହାର୍‌ଖାତାତ୍, ଆରେ ଇନେର୍ ଅଲପ୍ ରୁଣ୍ଡାୟ କିତାନ୍, ତାଦାଂ ଅବାବ୍ ଆଖାତାତ୍ ।”

ତିତସ୍ ଆରି ତା ହାଙ୍ଗଦାକାର୍

୧୭ ଇସ୍ତର୍ ଜୁଝାର୍ ଆଏଡ୍, ହେଝାନ୍ ମି କାଜିଂ ତିତସ୍ତି ମାତ୍ ଉପକାର୍ କିଦେଙ୍ଗ୍ ତ୍ରିକାତ୍ ଉବ୍‌ଜାଣ୍ କିତାନ୍‌ନ୍ନା; ୧୭ ଇନାକିଦେଂକି ହେଝାନ୍ ଜେ କେବଲ୍ ମା ଗଞ୍ଜାରି ଇଡ୍‌ତାନ୍, ହେଦାଂ ଆକାୟ୍, ମତର୍ ହେଝାନ୍ ନିଜେ ବେସି ଖାରି ଜିସୁ ନିଜ୍ ଇଚାତ ମି ଲାଗାଂ ହାନାନା । ୧୮ ଆରେ, ତା ଲାହାଙ୍ଗ୍ ଆପ୍ ଆରେ ରଝାନ୍ ଟଣ୍ଡେନ୍‌ନିଂ ପକ୍‌ତାନାପା; ନେକ୍ରିକାରୁର୍ ପରଚାର୍ ବିସ୍ତେ ତା କେର୍‌କଣ୍ ସବୁ ମଣ୍ଡଲିତ ମେଙ୍ଗ୍‌ଜି ହାନାତା, ୧୯ କେବଲ୍ ଏଚେକ୍ ଆକାୟ୍, ମାପୁତି ଜାଜ୍‌ମାଲ୍ ଆରି ମା ବାନ୍‌ଧାଣି ହପ୍‌ନି କାଜିଂ ଇମ୍‌ଣି ଦୟାନି କାମାୟ୍ ଆପେଂ ମାନିକିତାପନା, ହେବେ ମା ସାଙ୍ଗ୍ ଆନି ହେବା କାଜିଂ ବିନ୍‌ବିନ୍ ମଣ୍ଡଲିତାଂ ବାଚି କିୟାତାନ୍ନା ।

୨୦ ମା ହୁକେ ଆତି ଇ ହେବା ଲାକେ ବେସି ଦାନ୍ ବିସ୍ତେ ଇନେର୍ ଇନେସ୍ ମାଙ୍ଗେଙ୍ଗ୍ ଦସି କିଦୁର୍, ହେଦାଂ କାଜିଂ ଜାଗ୍ରତ୍ ଆନାପା; ୨୧ ଇନାକିଦେଂକି କେବଲ୍ ମାପୁତି ମୁମ୍‌ଦ ଆକାୟ୍, ମତର୍ ମାନାୟାର୍ ମୁମ୍‌ଦ ପା ଇନାକା ସବୁ ନେକ୍ରାକା, ହେଦାଂ ଖିଜୁ ଆପ୍ ଏଡ୍ କିନାପ୍ ।

୨୨ ଆରେ, ଆପ୍ ମା ଆରେ ରଝାନ୍ ଟଣ୍ଡେନ୍‌ନିଂ ପା ହେଝାର୍ ଲାହାଙ୍ଗ୍ ପକ୍‌ତାନାପା, ତାଙ୍ଗେଙ୍ଗ୍ ଆପ୍ ବେସି ବିସ୍ତେ ବେସିହର୍ ପରିକ୍ୟା କିଜି ତ୍ରିକାତ୍ ଇଞ୍ଜି ପାର୍ମାଣ୍ ଖେଚାପନା, ଆରେ ମି ତାକେ ଆଟ୍‌ଖା ପାତର୍ କିତିଲେ ହେଝାନ୍ ନଙ୍ଗ୍ ଆରେ ଆଦିକ୍ ତ୍ରିକାତ୍ ଆତାନ୍ନା ।

୨୩ ତିତସ୍ତି ବିସ୍ତେ ଜଦି ଇନେର୍ ଖେନ୍‌ବାତିସ୍, ହେଝାନ୍ ନା ମେହାଣ୍; ଆରି ମି କାଜିଂ ନା ହାଙ୍ଗଦାକାନ୍ କି ନଲେ ମା ଟଣ୍ଡାର୍ ବିସ୍ତେ ଖେନ୍‌ବା ଆତିସ୍, ହେଝାର୍ ମଣ୍ଡଲି ନିକାର୍ ହୁକେ ପକ୍ୟାତାକାନ୍, ଆରେ କ୍ରିସ୍ତି ଜାଜ୍‌ମାଲ୍ ଲାକେ । ୨୪ ଲାଗିଂ ମି ଜିଉନନାକା ଆରି ମି ବିସ୍ତେ ମା ଗରବ୍ ପାର୍ମାଣ୍ ମଣ୍ଡଲି ନିକାର୍ ଲାଗାଂ ହେଝାରିଂ ଚଚାଟ୍ ।



ବିନ୍ ମଣ୍ଡଲିନି କ୍ରିସ୍ତିୟାରିଂ କାଜିଂ ଉପକାର୍

୧ ହାତେନେ ସାଦୁରତି ହେବା ବିସ୍ତେ ମି ଲାଗାଂ ଲେକିକିନାକା ନା ପାକ୍ୟାତ ଆଦିକ୍ ମତରଃ; ୨ ଇନାକିଦେଂକି ଆନ୍ ମି ଇଚା ପୁନାଙ୍ଗ୍, ଆରେ ହେ ବିସ୍ତେ ମାକିଦନିଆ ଲକୁ ଲାଗାଂ ମି ବିସ୍ତେ ଆନ୍ ଗରବ୍ କିନାଂ ଜେ, ଆକାୟା ହାଚି ବାହୁତାଂ ଜାଲୁଦି ଆତାତେ, ଆରେ ମି ଇଚା ହେଞ୍ଜାର ବିତ୍ତେତାଂ ଆଦେକ୍ ଲକୁତାଂ ଖାରିକିକିତାଂ । ୩ ଆତିସ୍ପା ଆନ୍ ଟଣ୍ଡାରିଂ ପଲ୍ଲାନାଙ୍ଗା, ଇନେସ୍ ଇ ବିସ୍ତେ ମି ବିସ୍ତେ ମା ଗରବ୍ ପଲ୍ୟା ଆନେଡ୍, ଆରେ ନା କାତା ଇସାବରେ ଏପେଙ୍ଗ୍ ଦାନ ଲାହାଙ୍ଗ୍ ଜାଲୁଦି ଆତ, ୪ ଏଚେକାଡ୍ଦ ମାକିଦନିଆନି ଇମ୍ବାକାନ ପା ଏଚେକାଡ୍ଦ ନା ଲାହାଙ୍ଗ୍ ଖାଜି ମିଙ୍ଗେଙ୍ଗ୍ ଜାଲୁଦି ଆଖାକା ହୁଡ୍ଡିସ୍, ତେବେ ମି କାତା ହେବେ ମାନେଡ୍, ଆପେଂ ଇ ଆଟ୍ଝା ପାତ ବିସ୍ତେ ଲାଜା ଆନାସ୍ । ୫ ଲାଗିଂ ମିଦାଙ୍ଗ୍ ଆଗେ ପାର୍ମାଣ୍ ଦାନ ଇନେସ୍ ସାରି ବିସ୍ତେ ଆଖାଦାଂ ସଡ୍ ବିସ୍ତେ ଆନାଡ୍, ଇଦାଂ କାଜିଂ ଆଗେତାଂ ହେ ଦାନ ରୁଣ୍ଡାୟ୍ କିଜି ଜାଲୁଦି କିଦେଙ୍ଗ୍ ଆଗେ ମି ଲାଗାଂ ହାନି କାଜିଂ ଆନ୍ ଟଣ୍ଡାରିଂ ଗଞ୍ଜାରି କିଦେଙ୍ଗ୍ ମାନ କିତାଂ ।

୬ ମତର ଇଦାଂ ହାଡ୍ପା, ଇନେର୍ ଅଲପ୍ ଖିଡ୍ନାନ, ହେଞ୍ଜାନ ପା ଅଲପ୍ ତ୍ରେସ୍ନାନ; ଆରେ ଇନେନ୍ ବେସି ଖିଡ୍ନାନ, ହେଞ୍ଜାନ ପା ବେସି ତ୍ରେସ୍ନାନ । ୭ ଖିଜାକାର ଜାର୍ ଖାସ୍ତିତ ଇନେସ୍ ରିମାନ୍ୟା କିତାନନ୍ନା, ହେ ଲାକେ କିଏନ୍, ଲବ୍‌ରା ବାବ୍ରେ ଆକାୟ୍ ଇଚିସ୍ ଟାଟାୟ୍ ଲାକେ ଆକାୟ୍; ଇନାକିଦେଂକି ଇସ୍ପର ରମାନ୍ୟା ମୁଣିକାଂ ଜିଉନନାନ । ୮ ଆରେ, ଖିଜୁ ବିସ୍ତେ ନିତ୍ତେ ସାରି ଲାକେ ପାୟାଜି ଏପେଙ୍ଗ୍ ଇନେସ୍ ଖିଜୁ ହାରିଦି କାମାୟ୍ କାଜିଂ ଆଦିକତାଂ ଆଦିକ୍ ତର ଦାନ କିଦେଙ୍ଗ୍ ଆଡ୍‌ନାଦେର୍, ଇଦାଂ କାଜିଂ ଇସ୍ପର ମିଙ୍ଗେଙ୍ଗ୍ ସବୁବାନି ଉପକାର ବେସି ବାବ୍ରେ ହିଦେଂ ରାଜି ଆତାନ୍ନା, ୯ ଇନେସ୍ ଦରମ୍ ସାସ୍ପୁରତ ଲେକା ଆତାଡ୍‌ନ୍ନା,

“ହେଞ୍ଜାନ ମେଲ୍ଲା କେଇଦ ପାସ୍ପାତାନନା, ହେଞ୍ଜାନ ନାସ୍‌କିନିକାରିଂ ଦାନ ହିନାନା,

ତା ଦାମ୍ କାତା ଜୁଗ୍ ଜୁଗ୍ କାଡ୍ ପାତେକ ।”

୧୦ ଆରେ, ଇନେର୍ ବିୟାନ୍ ଖିଡ୍ନାକାରିଂ ବିୟାନ୍ ଆରି ତିନି କାଜିଂ କାଦି ହିଦ୍‌ନାନ, ହେଞ୍ଜାନ ଖିଡ୍ନି କାଜିଂ ମିଙ୍ଗେଙ୍ଗ୍ ବିୟାନ୍ ହିଦ୍‌ନାନ ଆରି ହେଦାଂ ବାତାୟ୍ କିଦ୍‌ନାନ, ଆରେ, ମି ଦାମ୍ ନି ପାଡ୍ ବାତାୟ୍

କିଦନାନ; ^{୧୧} ଇ ଲାକେ ଏପେଙ୍ଗ ସବୁ ବିସ୍ତେ ମାଜାନ ଆଜି ସବୁବାନି ମୁକ୍ତାୟତାଂ ଚଚ୍ଚେଙ୍ଗ ଆଡନାଦେର୍, ଆରେ ହେଦାଂ ମା ହୁକେ ଇସ୍ତ ଫିଙ୍ଗେଙ୍ଗ ଦନ୍ୟବାଦ୍ ନିକାନ କିଦନାର୍ । ^{୧୨} ଇନାକିଦେଂକି ଇ ଦାନ ଲାକେ ହେବା ଜେ କେବଲ୍ ସାଦୁରତି ବାକି ବାତ ଚିନାଙ୍ଗା, ହେଦାଂ ଆକାୟ, ମତର ତାପାତେ ପା ଇସ୍ତରତି ଉଦେସ୍ତ ବେସି ଜୁଝାର ଡିଜି ହାନାତା, ^{୧୩} ଇଚିସ୍ ଇ ହେବା କାମାୟନି ପାର୍ମାଣ୍ ପାୟାଜି ଲକୁ ମି ମାନି କାଜିଂ କ୍ରିସ୍ତୁତି ନେକ୍ରିକାରୁର୍ କାଜିଂ ଟାଟାୟ, ଆରେ ସାଦୁରତି ଆରି ଝିଜାର କାଜିଂ ମି ମେହାଣ୍ଡ ହୁଦାର କାଜିଂ ଇସ୍ତ ପାଣ୍ ପାର୍ତାନା କିନାରା, ^{୧୪} ଆରେ, ମି କାଜିଂ ଇସ୍ତ ବେସି ଉପକାର୍ କାଜିଂ ହେଝାର ପା ମି କାଜିଂ ପାର୍ତାନା କିଉ କିଉ ମି କାଜିଂ ଦୟାତ ଏତୁ କିଦନାର୍ । ^{୧୫} ଇସ୍ତ ହାନ୍ଦାୟକିନି ଦାନ କାଜିଂ ତାଦି ଜୁଝାର୍ ଆଏତ ।

୧୦

ପଲ୍ୟା ସୁଣାୟ କିନି ପାଉଲ୍ତି ଉତର୍

^୧ ମି ମୁମ୍ଦ ମି ବିତ୍ରେତାଂ ହୁଦାର, ମାତର ଚଞ୍ଜୟା ଆଦ୍‌ଝାଦାଂ ମି କାଜିଂ ସାସ୍‌ନିକାଂ ଜେ ଆନ୍ ପାଉଲ୍, ଆନ୍ ନିଜେ କ୍ରିସ୍ତୁତି ହ୍‌ଝାଦ୍ ଆରି ଦୟା ବାବ୍ରେ ଏତୁ କିଜି ଫିଙ୍ଗେଙ୍ଗ ଗଝାରି କିଦନାଙ୍ଗା; ^୨ ଆନ୍ ପାର୍ତାନା କିନାଙ୍ଗା ଜେ, ଆପ୍ ଗାଗାଡ୍ ହିସାବେ ଚିନ୍ତା କିନାପା ଇଞ୍ଜି ଇମ୍‌ଣାକାର୍ ମାନେ କିତାର୍, ଏପେଙ୍ଗ ଇନେ ଇନେର୍ତି ବିରଦ୍ ସାସ୍ ଚଚ୍ଚେଙ୍ଗ ଇଞ୍ଜି ଆନ୍ ଇମ୍‌ଣି ବିଚାର୍ କିତାଙ୍ଗା, ଏକାଝାଜି ଇନେସ୍ ନାଙ୍ଗେଙ୍ଗ ହେବାନି ସାସ୍ ଚଚ୍ଚେଙ୍ଗ ଆଉଡ୍; ^୩ ଇନାକିଦେଂକି ଆପ୍ ପୁତ ଚ ବାହା କିନାକା ହାଡପା, ମତର ଆପ୍ ସଁସାର୍ ମାନାୟ ବାବ୍ରେ ଜୁଜ୍ କିଝାତାପନା, ^୪ ଲାଗିଂ ମା ଜୁଜ୍‌ନି ଆଡ୍ ଆତିୟାର୍ ସଁସାର୍‌ତ ଆକାୟ, ମତର ସାତୁର୍ ଆର୍‌ଝା ଗାଡ୍ ଦୁଡିମାଜି କିନି କାଜିଂ ଇସ୍ତ ମୁମ୍ଦ ହେ ଝିଜୁ ସାଲ୍ଡି ଆତାଦେଣ୍ଡା; ^୫ ଆପ୍ ଗାଣ୍‌ଜୁ ସବୁ ଆରି ଇସ୍ତ ଗିଆନ୍ ବିରୁଦ୍‌ତ ହଡ୍‌ତି ଝିଜୁ ଲାମା ବିସ୍ତେ ଦୁଡିମାଜି କିନାସ୍, ଆରେ ଜାଣକେ ହାନାୟ କିଜି କ୍ରିସ୍ତୁତି ବଲ୍ ମାନିକିନାକାସ୍ ଆନାସ୍, ^୬ ଆରେ, ଏଚେକାଡ୍‌ଦ ଏପେଙ୍ଗ ପୁରା ମେହାଆନାଦେର୍, ହେ ପାଦନା ଝିଜାର୍ ପାଟକାର୍ ଆନି କାଜିଂ ଆପ୍ ଜାଲ୍‌ଦି ମାନାପ୍ ।

୭ ଏପେଙ୍ଗ ଚାରିବେଶତାଂ ଇନାକା ଗିଟା ଆଦନାତା ହୁଡ଼ାଟ୍ । ଜଦି ଇନେର୍ ଜାରତିଂ କ୍ରିଷ୍ଣତି ଇଞ୍ଜି ପାତର୍ କିନାନ୍, ନଲେ ହେଞ୍ଜାନ୍ ଇନେସ୍ କ୍ରିଷ୍ଣତି, ଆପ୍ ପା ଇନେର୍ ହେ ଲାକେ କ୍ରିଷ୍ଣତି, ଇଦାଂ ହେଞ୍ଜାନ୍ ଆରେ ନିଜେ ଏଡୁ କିଏନ୍ । ୮ ଇନାକିଦେଂକି ମା ଆଦିକାର୍ ବିସ୍ତେ ଆନ୍ ଅଲପ୍ ଆଦିକ୍ ଗରବ୍ କିଡିସ୍ ପା ଲାଜ୍ ପାୟା ଆଉଙ୍ଗ୍; ମିଙ୍ଗେଙ୍ଗ୍ ଦୁଡ଼ିମେହାୟ୍ କିଦ୍ନି କାଜିଂ ମାପୁ ମାଙ୍ଗେଙ୍ଗ୍ ଇ ଆଦିକାର୍ ହିଦ୍‌ଞ୍ଜାଦାଂ ମିଦାଙ୍ଗ୍ ରଚ୍ଚି କାଜିଂ ହିଡ଼ନ୍ନା; ୯ ନା ଆକି ହୁକେ ଆନ୍ ମିଙ୍ଗେଙ୍ଗ୍ ପାଣ୍ଡୁ ମତର୍ ରଚ୍ଚାନାଙ୍ଗା ଇଞ୍ଜି ପାଣ୍ଡା ଆମାଟ୍ । ୧୦ ଇନାକିଦେଂକି “ଇନେର୍ ଇନେର୍ ଇନାର୍, ତାଦି ପାଉଲ୍‌ତି ଆକିଂ ସବୁ ହାର୍‌ଦିକିଂ ଆରି ଗାଜା ସାଲ୍ଲି, ମତର୍ ମେହାଶ୍ଚ ତା ଗାଗାଡ଼ ନାଦାର୍ ଆରି ତା ବଚନ୍ ବାନ୍ୟା ।” ୧୧ ଆପ୍ ଖାଜି ମାନ୍‌ଞ୍ଜି ସମୁତ ଆକି ହୁଦାଂ ବଚନ୍‌ତ ଇନେସ୍, ଏକାଞ୍ଜି ମାନି ସମୁତ କାମାୟ୍‌ତ ପା ଜେ ହେ ଲାକେ, ଇଦାଂ ଇ ଲାକେ ମାନାୟାର୍ ବଜ୍ ଆଏର୍ ।

୧୨ ଇନାକିଦେଂକି ଇମ୍‌ଣାକାର୍ ଜିବୁନ୍‌ତ ଖାରିକିନାକା, ହେଞ୍ଜାର୍ ବିତ୍ରେତାଂ ଇନେ ଇନେର୍‌ତି ରଚେ ଜାର୍ ଜାରତିଂ ଇସାବ୍ ନଲେ ତୁଲ୍‌ୟ୍ କିଦେଙ୍ଗ୍ ଆପ୍ ସାସ୍ କିଡପା; ମତର୍ ହେଞ୍ଜାର୍ ନିଜେ ନିଜେ ଜାର୍ ଜାର୍ ଲଗାଂ ହୁକେ ଜାର୍ ଜାରତି ଆଡ଼ନାକା ଆରି ଜାର୍ ଜାର୍ ଲାହାଙ୍ଗ୍ ଜାର୍ ଜାରତି ତୁଲ୍‌ୟ୍ କିଜି ଆହ୍‌ରତାଂ ରଚ୍ଚନାର୍ । ୧୩ ମତର୍ ଆପ୍ ହାନ୍ଦି ମାନିକିଞ୍ଜାଦାଂ ଗରବ୍ କିଡପା; ମତର୍ ଏପେଙ୍ଗ୍ ପା ମା ହାନ୍ଦିନିକାପ୍ ଆନି କାଜିଂ ଇସ୍‌ର୍ ମା କାଜିଂ ନିଲ୍‌ତାନ୍‌ନା ଇମ୍‌ଣି ହାନ୍ଦି ରଚ୍ଚାଦେଶ୍‌ଣା, ହେବେନି ଆଡ଼ନାକା ଲାକେ ଗରବ୍ କିନାପ୍ । ୧୪ ଇନାକିଦେଂକି ଏପେଙ୍ଗ୍ ମା ହାନ୍ଦିନି ମେହା ଆଞ୍ଜାଦାଂ ମାଟି ଲାକେ ଆପ୍ ଜେ ହାନ୍ଦି ମାନିକିଞ୍ଜାତାସ୍‌ନା, ହେଦାଂ ଆକାୟ୍, ଲାଗିଂ କ୍ରିଷ୍ଣତି ନେକ୍ରିକାରୁର୍ ସୁଣାୟ୍ କିଡ କିଡ ଆପ୍ ମି ପାତେକ୍ ପା ପର୍ଡୁମ୍ ହାଲ୍‌ଜି ମାଟାପା; ୧୫ ଆପ୍ ହାନ୍ଦି ଜିତା ଆଜି ଆରେ ରକାନ୍ତି କସ୍ ବିସ୍ତେ ଗରବ୍ କିଡପା, ମତର୍ ମି ପାତର୍‌ନି ବାତାନାକା ସାଙ୍ଗେ ସାଙ୍ଗେ ମା ବାସ୍ ହିସାବେ ମା କାମାୟ୍ ମି ହୁକେ ଇନେସ୍ ଜବର୍‌ତାଂ ଆଦିକ୍ ତର୍ ମେଙ୍ଗ୍‌ୟା ଆନାଟ୍, ୧୬ ଆରେ, ଆପ୍ ଆରେ ରଞ୍ଜାନ୍ ହାନ୍ଦି ବିତ୍ରେ ତା କିତି କାମାୟ୍ ବିସ୍ତେ ଗରବ୍ କିଞ୍ଜାଦାଂ ମି ପାଡ଼ହା ନାସ୍‌କୁକାଂ ଇନେସ୍ ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଆଡ଼ନାକା, ଇଦାଂ ବାସ୍ କିନାପା ।

୧୭ ସାସ୍ତ୍ରରୂତ୍ ଲେକାମାନାତ୍ “ମତର ଇନେର୍ ଗରବ୍ କିନାନ୍, ହେୱାନ୍ ମାପୁ କିତି କାମାୟ୍ କାଜିଂ ଗରବ୍ କିଏନ୍ ।” ୧୮ ଇନାକିଦେଂକି ଇନେର୍ ଜାର୍ତି ୱାରି କିନାନ୍, ହେୱାନ୍ ପରିକ୍ୟାସିଦ୍ ଆକାୟ୍, ମତର ମାପୁ ଇନେର୍ତି ୱାରି କିନାନ୍, ହେୱାନ୍ ପରିକ୍ୟାସିଦ୍ ।

୧୧

ପାଉଲ୍ ଆରି ବୁଲ୍‌କାୟ୍‌କିନି ପକ୍ୟାତାକାନ୍

୧ ଏପେଙ୍ଗ୍ ଜଦି ନାଦାଂ ଅଲପ୍ ଅବୁଜା ହୁଞ୍ଚାଦେର୍ମା ! ଆଁ ଏପେଙ୍ଗ୍ ତ ନା କାଜିଂ ହୁଞ୍ଚନାଦେରା । ୨ ଇନାକିଦେଂକି ଇସ୍ତର୍ ବିସ୍ତେ ତ୍ରିକାତ୍ ଆନ୍ ମି କାଜିଂ ଇଚା, ଲାଗିଂ ଆନ୍ ମିଙ୍ଗେଙ୍ଗ୍ ଦାମ୍ ଜିପଲି ହିସାବେ ର ଆଣ୍ଡାତାକେ, ଇରିସ୍ କ୍ରିସ୍ତୁତି ତାକେ, ସର୍ପି କିନି କାଜିଂ ପାର୍ମାଣ୍ କିତାନ୍ନା । ୩ ମତର ରାର୍ ଜାର୍ ଚାଲାକିତାଂ ହବା ଇନେସ୍ ବୁଲ୍‌କାୟ୍‌କିତାତ୍, ହେ ଲାକେ ଏଚେକାତ୍‌ଦ ମି ମାନ୍ କ୍ରିସ୍ତୁତି କାଜିଂ ଦାମ୍ ଆରି ପୁଇପୁୟାତାଂ ବୁଲ୍‌କାୟ୍‌କିତା, ଇଦାଂ ନାଙ୍ଗ୍ ପାଣ୍ଡୁ ହୁତ୍‌ନାତା । ୪ ଇନାକିଦେଂକି ଇମ୍‌ଣି ଜିସୁଙ୍ଗ୍ ଆସେଙ୍ଗ୍ ପରଚାର୍ କିଞ୍ଜାତାସ୍, ଏପେଙ୍ଗ୍ ବିନ୍ ଜିସୁଙ୍ଗ୍ ଜଦି ଇନେର୍ ୱାଜି ପରଚାର୍ କିତାର୍, କି ଇମ୍‌ଣି ପୁଇପୁୟା ଜିବୁନ୍‌ତ ଏପେଙ୍ଗ୍ ଗାଟାଞ୍ଜାତାଦେର୍, ଏପେଙ୍ଗ୍ ର ବିନ୍ ଜିବୁନ୍ ଗାଟା ଆଡୁ, କି ଇମ୍‌ଣି ନେକ୍ରିକାବୁର୍ ଏପେଙ୍ଗ୍ ଅଞ୍ଜାତାଦେର୍, ଏପେଙ୍ଗ୍ ର ବିନ୍ ନେକ୍ରିକାବୁର୍ ଗାଟା ଆଡୁ, ତା ଅତିସ୍ ଏପେଙ୍ଗ୍ ତ ବେସି ହୁଦାର୍ ।

୫ ଇନାକିଦେଂକି ହେ ମୁଡ୍‌ଦି ପକ୍ୟାତାକାର୍ତାଂ ଆନ୍ ଜେ ଇନେସ୍‌ପା ହାରୁ ଆକାୟ୍, ଇଦାଂ ବାବି କିନାଙ୍ଗା । ୬ ମତର ଆତିସ୍‌ପା ଆନ୍ କାତା ଇଞ୍ଜେଙ୍ଗ୍ ଆଡୁଙ୍ଗ୍, ଆତିସ୍‌ପା ଗିୟାନ୍ତ ପାଚେ ଆକାୟ୍; ହାତ୍‌ପାତ ଆସେଙ୍ଗ୍ ଝିଜୁ ବାନିତ ଝିଜୁ ବିସ୍ତେ ମି କାଜିଂ ଇଦାଂ ହପ୍ତାପ୍ ।

୭ ନଲେ ଏପେଙ୍ଗ୍ ଇନେସ୍ ପୁନାଦେର୍, ଇଦାଂ କାଜିଂ ଆନ୍ ଜାର୍ତିଂ ହୁଦାର୍ କିଜି ଜେ ମଲ୍‌ହିଲ୍‌ଞ୍ଜାଦାଂ ମି ଲାସେଙ୍ଗ୍ ଇସ୍ତର୍ ନେକ୍ରିକାବୁର୍ ପରଚାର୍ କିତାଙ୍ଗ୍, ଇବେ ଇନାକା ପାପ୍ କିତାଂ ? ୮ ମି ହେବା କିନି କାଜିଂ ଆନ୍ ବିନ୍‌ବିନ୍‌ନି ମଣ୍ଡଲି ଲାଗାଂ ଦାର୍ମା ଅଜି ହେୱାରିଂ ଚର୍ କିତାଂ, ୯ ମତର ଆନ୍ ମି ବିତ୍ରେ ମାନି ୱେଡାଲିଂ ଏଚେକାତ୍‌ଦ

ଅବାବ୍ ଆଜି ମାତାଙ୍କୁ, ହେ ଏଚେକ୍ଷାତାଂ ଆନ୍ ଇମ୍‌ଶାକାକ୍ରି ବଜ୍ ଲାକେ ଆଖାଦାଂ ମାତାଙ୍କୁ, ଇନାକିଦେଂକି ମାକିଦନିଆତାଂ ଚଣ୍ଡାର୍ ଖାଜି ନା ଅବାବ୍ ପୁରା କିଜି ମାନଚାର୍, ଆରେ ଇମ୍‌ଶାକା ପା ବିସ୍ତେ ମି ବଜ୍ ଲାକେ ଆଖାଦାଂ ଜାର୍ ବିସ୍ତେ ଜାଗ୍ରତ୍ ଆଜି ମାତାଙ୍କୁ, ଆରେ ଜାଗ୍ରତ୍ ଆଜି ମାନାଂ । ୧୦ ନା ତାକେ ମାନି କ୍ରିସ୍ତୁତି ହାତ୍‌ପାତିଂ ସାକି ମାନିକିଜି ଆନ୍ ଇନାକ୍ଷା ଜେ, ଆକାୟାନି ନିପ ନାଦାଂ ଇ ଗରବ୍ ଇନେର୍ ବାକ୍ଷାୟ କିଦେଂ ଆତ୍ତୁର୍ । ଇନେକିଦେଂ ? ୧୧ ଆନ୍ ଇନାକିଦେଂ ଏପେକ୍ଷ ଇନାକ୍ଷା ? ଆନ୍ ଇନାକା ମିକ୍ଷେକ୍ଷ୍ ଜିଉ ନଦୁକ୍ଷା ? ଇସ୍‌ବର୍ ପୁନାନ୍, ମିକ୍ଷେକ୍ଷ୍ ଆନ୍ ଏଚେକ୍ ଜିଉନଦ୍‌ନାକ୍ଷା ।

୧୨ ମତର୍ ଗରବ୍‌ନି ବିସ୍ତେ ମା ଲାକେ ଚଞ୍ଜିନି କାଜିଂ ଇମ୍‌ଶାକାର୍ ହାଜି ଡେକ୍‌ନାର୍, ଆନ୍ ଇନେସ୍ ହେଖାରିଂ ହାଜି ହିଉକ୍ଷ୍, ଇଦାଂ କାଜିଂ ଆନ୍ ଇନାକା କିନାକ୍ଷା, ହେଦାଂ କିଜି ମାନାଂ । ୧୩ ଇନାକିଦେଂକି ଏପେକ୍ଷ ଲଗ୍ନୁ ଚାକ୍ଷାୟ ପକ୍ୟାତାକାର୍ ଆରି ମିଚ୍‌ଖା କାମ୍‌ଲିୟା, ହେଖାର୍ କ୍ରିସ୍ତୁତି ପକ୍ୟାତାକାର୍‌ତି ବେସି ଆହ୍‌ନାର୍ । ୧୪ ଆରେ ଇଦାଂ କାବାନାକା ଆକାୟ, ଇନାକିଦେଂକି ସୟତାନ୍ ନିଜେ ଅଜଡ୍‌ନି ସାଗେ ଦୁତ୍ ବେସି ଆହ୍‌ନାତ୍ । ୧୫ ଲାଗିଂ, ଜଦି ତାଦାଂ ହେବା କିନିକିକ୍ ପା ଦାମ୍‌ନି ହେବା କିନାକାତ୍ ବେସି ଆହ୍‌ନିକ୍, ଖାଟିକ୍ଷ୍ ହେଦାଂ ଗାଜା ବିସ୍ତେ ଆକାୟ; ହେଖାର୍‌ତି ସେସ୍ ଦସା ହେଖାର୍‌ତି କାମାୟ ଇସାପ୍ରେ ଗିଗାନାତ୍ ।

ପକ୍ୟାତାକାତ୍ ଚେଲାଲାକେ ପାଉଲ୍‌ତି ଦୁକ୍‌ବଗ୍

୧୬ ଆନ୍ ଆରେ ରଗ ଇଞ୍ଜନାକ୍ଷା, ଇନେର୍ ନାକ୍ ବୁଦିହିଲ୍‌ଖାକାନ୍ ଇଞ୍ଜି ବାବି କିଦ୍‌ମେର୍; ମତର୍ ଜଦି ଏପେକ୍ଷ ଇନେସ୍ ବାବି କିନାଦେର୍, ଖାଟିକ୍ଷ୍ ପାନାକ୍ଷ୍ ବୁଦିହିଲ୍‌ଖାକାନ୍ ଲାକେ ଇଡ୍‌ଦାନାଦେର୍, ଇନେସ୍ ଆନ୍ ପା ଅଲ୍‌ପ୍ ଗରବ୍ କିଦେକ୍ଷ୍ ଆଡ୍‌ନାକ୍ । ୧୭ ଆନ୍ ଇନାକା ଇଞ୍ଜନାକ୍ଷା, ହେଦାଂ ମାପୁତି ଇନି ଇସାପ୍ରେ ଇନୁକ୍ଷା, ମତର୍ ବୁଦିହିଲ୍‌ଖାକାନ୍ ଲାକେ ଏଲେକ୍ଷ୍ ବେସି ସାସ୍‌ତ ଗରବ୍ କିଜି ଇନାକ୍ଷା । ୧୮ ଆଦେକ୍ ସଂସାର୍‌ନି ବାବ୍ରେ ଗରବ୍ କିଜି ମାଟିଲେ ଆନ୍ ପା ଗରବ୍ କିନାକ୍ଷା । ୧୯ ଇନାକିଦେଂକି ଏପେକ୍ଷ ବୁଦିକାର୍‌ୟା ଆଡ୍‌ିଏନ୍ ଇଞ୍ଜି ହିନା ଖାରିତାକ୍ଷ୍ ନିର୍ବୁଦିୟାତ୍ କାଜିଂ ହୁଦାର୍ ଆନାଦେରା । ୨୦ ଲାଗିଂ ଜଦି ଇନେର୍ ଆଡ୍‌ିଏନ୍ କିଜି ଇଡ୍‌ତ୍‌ସ୍, ମି ଦାନ୍ କେତି

କିନାନ୍, ମିଙ୍ଗ ଡକ୍ଟର ହେଜି କିଜି ଆସ୍ତାନାଡ଼, ଆକାର କିଦନାନ୍ କି ମି କୁରୁଖାତ ଚାପଡ଼ା ଇଡ଼୍‌ଦାନାନ୍, ଖାଟିଙ୍ଗ ଏପେଙ୍ଗ ହେଦାଂ ହୁଞ୍ଜନାଦେର୍ । ୨୧ ଆନ୍ ଲାଜୁ ଲାହାଙ୍ଗ ମାନି କିନାଙ୍ଗା ଜେ, ଆପେଂ ତ “ନାଦାର୍” ଆତାସନା ।

ଆତିସ୍‌ପା ଇମ୍‌ଶାକା ପା ବିସ୍ତେ ଇନେର୍ ସାସି ଆନାର୍ ଆନ୍ ରିସା ଆଜି ଇନାଙ୍ଗା, ଆନ୍ ପା ସାସି । ୨୨ ହେଞ୍ଜାର୍ କି ଏବ୍ରିୟର୍ ? ଆନ୍ ପା ଏବ୍ରିୟ । ହେଞ୍ଜାର୍ କି ଇସ୍ତାଏଲିୟର୍ ? ଆନ୍ ପା ଇସ୍ତାଏଲିୟ । ହେଞ୍ଜାର୍ କି ଅବ୍ରାହାମତି ମାଜିର୍ ? ଆନ୍ ପା ଅବ୍ରାହାମତି ମାଜି । ୨୩ ☆ହେଞ୍ଜାର୍ କି କ୍ରିଷ୍ଟି ହେବାକାରୟା ? ଆନ୍ ବାୟରା ଲାକେ ଇନାଙ୍ଗା, ଆନ୍ ଆଦିକ୍ ରଚେ କ୍ରିଷ୍ଟି ହେବାକାରୟା, ଆଦିକ୍ କସ୍ କିନିତ, ଆଦିକ୍ ଜୟିଲ୍ ହାନିତ, ବେସି ମାଡ଼ ହୁଞ୍ଜନିତ, ତାଇନାଡ଼ ହାକି ମୁମ୍‌ଦ ଆଦେଂ; ୨୪ ଆନ୍ ଜିହୁଦିର୍ ପାଞ୍ଚ ହର୍ ଏକ୍‌ଉଣା ରିକଡ଼ି ମାଡ଼ ପାୟାତାଂନା, ୨୫ ☆ରମିୟର୍ ହୁକେ ତିନି ହର୍ ବାଡ଼ଗେ ମାଡ଼, ରଗ କାଲ୍‌କୁ ମାଡ଼, ତିନି ହର୍ ଜାଉଡ଼ିଂନାକା ହୁଞ୍ଜାଙ୍ଗନା, ତେଙ୍ଗା ଏଜୁକାଂ ଖେଡ଼ାନାଣା ଚବିସ୍ ଗନ୍‌ଟା ହୁଞ୍ଜାଙ୍ଗନା, ୨୬ ☆ବେସିହର୍ ହାନିହିଂ, ନାଗୁଡ଼ନି ଆପଡ଼ତ, ଚର୍କୁ ଆପଡ଼ତ, ଜାର୍ ଜାତିର୍‌ତାଂ ଆପଡ଼ତ, ଜିହୁଦି ଆରି ପାତର୍ କିଞ୍ଜି ଜିହୁଦି ତାଙ୍ଗ ଆପଡ଼ତ, ଗାଡ଼ନି ଆପଡ଼ିତ, ବାଗାନି ଆପଡ଼ତ, ହାମ୍‌ଦୁଣ୍ଟି ଆପଡ଼ତ, ୨୭ ବାମ୍‌ଶ୍ଟାୟକିନି ଚଶ୍ଟାର୍‌ତାଂ ଆପଡ଼ତ, କସ୍‌ତ ଆରି କସ୍ ବଗ୍‌ତ, ବେସିହର୍ ହୁଞ୍ଜାଞ୍ଜାଦାଂ, ନାସ୍‌କି ଆରି ଏସ୍‌କି, ବେସିହର୍ ଉପାସ୍‌ତ, ପିନି ଆରି ନାଗୁଡ଼ାତ । ୨୮ ବାକି ଓଁଜୁ ବିସ୍ତେ ପିସ୍ତି ଆରେ ର ବିସ୍ତେ ନିତ୍ରେ ନା ଜପି ଦୁମ୍‌ଦାନାତା, ଇତିସ୍ ମଶ୍‌ଲି ସବୁ କାଜିଂ ଚିନ୍ତା ହଡ଼ନାତା । ୨୯ ଇନେର୍ ନାଦାର୍ ଆତିସ୍ ଆନ୍ ଇନାକା ନାଦାର୍ ଆକାୟ ? ଇନେର୍ ବାଦା ପାୟାତିସ୍ ଆନ୍ ଇନାକା ଦୁକ୍ ଆଉଙ୍ଗ ?

୩୦ ଜଦି ନାଦି ଗରବ୍ କିନାକା ଲଡ଼ା ଆତିସ୍, ଖାଟିଙ୍ଗ ଆନ୍ ନା ନାଦାର୍ ବିସ୍ତେ ନା ଗରବ୍ କିନାକା ମାନାଡ଼ । ୩୧ ଆନ୍ ଜେ ମିର୍ ଇନୁଙ୍ଗା, ଇଦାଂ ମାପୁ ଜିସ୍ତୁତି ଇସ୍‌ବ୍ ଆରି ଆବା ପୁନାନ୍; ହେଞ୍ଜାନିଂ ଜୁଗ୍ ଜୁଗ୍

☆ ୧୧:୨୩ ୧୧:୨୩ ପକ୍ୟାତାକା ୧୬:୨୩. ☆ ୧୧:୨୫ ୧୧:୨୫ ପକ୍ୟାତାକା ୧୬:୨୨; ପକ୍ୟାତାକା ୧୪:୧୯. ☆ ୧୧:୨୬ ୧୧:୨୬ ପକ୍ୟାତାକା ୯:୨୩; ପକ୍ୟାତାକା ୧୪:୫.

ଜଞ୍ଜାରି । ୩୨ ☆ଦମ୍ଭେସକତ ହାରେତା ରାଜାତି ସାସନକାରୟା ନାଙ୍ଗ
ଆସ୍ତ୍ରିନି କାଜିଂ ହେ ଗାଡ଼ନି ଦୁଞ୍ଜେର ଜାଗ୍‌ଞ୍ଜାଡ଼ାରିଂ କାୟ କିଜି ମାତାନ,
୩୩ ଆରେ ଟପାତ ର ଚିଟ୍‌କି ହିଜି କୁଞ୍ଜାଡ଼ ହିଜି ନାଙ୍ଗ ଜୁଡ଼ତାର, ଆରେ,
ଆନ୍ ହେଞ୍ଜାକ୍ତି କେଇଦାଂ ରାକ୍ୟା ପାୟାତାଂ ।

୧୨

ପାଉଲଟି ହାରଦାକା ହୁଡ଼ନାକା

୧ ଆତିସ୍‌ପା ଗରବ୍ କିନାକା ନେକ୍ରାକା ଆକାୟ, ଆତିସ୍‌ପା ଲାଗିଂ
ନାଙ୍ଗେଙ୍ଗ ଗରବ୍ କିଦେଙ୍ଗ ଲାଗ୍‌ତାନାତା; ଆନ୍ ମାପୁଡିଙ୍ଗ “ହୁଡ଼ଦେଂ”
ଆରେ ଚଞ୍ଜୟା ଆନି ବିସ୍ତେ ଇନାଙ୍ଗ । ୨ ଆନ୍ କ୍ରିସ୍ତ ତାଂ ମାନି ଲଗାଂ
ରଞ୍ଜାନିଂ ପୁନାଙ୍ଗ, ହେଞ୍ଜାନ୍ ଚଉଦ ବାହୁଁ ଆଗେ ତିନ୍ ସାଗେ ପାତେକ୍
ଅଜି ମାତାନ । ହେଞ୍ଜାନ୍ ଗାଗାଡ଼ତ ମାତାନ କି ଗାଗାଡ଼ନି ବାଡ଼
ମାତାନ, ଆନ୍ ପୁନୁଙ୍ଗ; ଇସ୍‌ବ୍ ପୁନାନ୍ । ୩ ଆଁ, ଆନ୍ ଇ ଲାକେ ରଞ୍ଜାନ୍
ମାନାୟତିଙ୍ଗ ପୁନାଙ୍ଗ, ହେଞ୍ଜାନ୍ ଜିବୁନ୍ ମାନି ଦେସ୍‌ତ ଅଜି ମାତାର
ହେଞ୍ଜାନ୍ ଗାଗାଡ଼ତ ମାତାନ କି ଗାଗାଡ଼ ବାଡ଼ ମାତାନ, ଆନ୍ ପୁନୁଙ୍ଗ
ଇସ୍‌ବ୍ ପୁନାନ୍ । ୪ ହେବେ ହେଞ୍ଜାନ୍ କାତାତ ଇଞ୍ଜେଙ୍ଗ ଆଡ଼ଞ୍ଜାଦାଂ
ଆରି ଇଞ୍ଜେଙ୍ଗ ଆଡ଼ଞ୍ଜାଦାଂ ଲାକେ କାତା ଝେନ୍‌ଞ୍ଜି ଆଦିକାର୍ ହିଲୁଡ଼
। ୫ ଇ ଲାକେ ରଞ୍ଜାନ୍ ବିସ୍ତେ ଆନ୍ ଗରବ୍ କିନାଙ୍ଗ, ଇନାକିଦେଂକି
ଆନ୍ ଜାର୍ ବିସ୍ତେ ନା ନାଦାର୍ ପିସ୍ତ୍ରି ଆରେ ବିନ୍ ବିସ୍ତେ ଗରବ୍ କିଡ଼ଙ୍ଗ
। ୬ ଆରେ ଗରବ୍ କିଦେଙ୍ଗ ଇତା କିତାନ୍ ଆଁ ବୁଦି ହିଲ୍‌ଞ୍ଜି ଲାକେ
ଆଡ଼ଙ୍ଗ ଲାଗିଂ ଆନ୍ ହାଡ଼ପା ଇନାଙ୍ଗ; ଇନାକିଦେଂକି କାତେ ଇନେର୍
ନାଙ୍ଗେଙ୍ଗ ଇନେସ୍ ହୁଡ଼ଦାନାର୍ କି ନାତାଙ୍ଗ ଇନେସ୍, ଝେନାର୍ ନା
କାଜିଂ ହତି ବିସ୍ତେ ଆଦିକ୍ ଗାଜା କାଜିଂ ଇନେସ୍ ନା ବିସ୍ତେ ଆଦିକ୍
ବୁଜାଞ୍ଜାଦାଂ, ଇଦାଂ କାଜିଂ ଆନ୍ ଇଞ୍ଜେଙ୍ଗ ଝାହ୍‌ନାଙ୍ଗା ।

୭ ଲାଗିଂ ଆନ୍ ଇନେସ୍ ଆଦିକ୍ ଗରବ୍ ଆଡ଼ଙ୍ଗ, ଇଦାଂ କାଜିଂ
ନାଙ୍ଗେଙ୍ଗ କସ୍ତୁ କିଦେଙ୍ଗ ନା ଗାଗାଡ଼ତ ସୟତାନ୍ ଦୁଡ଼ ଲାକେ ଦୁକ୍
ହିଦ୍ୟାତାଡ଼, ଆଁ ଇନେସ୍ ଆନ୍ ଆଦିକ୍ ଗରବ୍ ଆଡ଼ଙ୍ଗ, ଇଦାଂ କାଜିଂ
ହେଦାଂ ହିଦ୍‌ଆତାଡ଼ । ୮ ଇନେସ୍ ହେଦାଂ ନାତାଂ ଦେହା ଆଡ଼ୁ,
ଇଦାଂ କାଜିଂ ଆନ୍ ମାପୁଙ୍ଗ ହେ ବିସ୍ତେ ତିନ୍‌ହଟ୍ ଗଞ୍ଜାରି କିତାଂ ।

☆ ୧୧:୩୨ ୧୧:୩୨ ପକ୍ୟାତାକା ୯:୨୩-୨୫.

୯ ଆରେ, ହେୱାନ ନାଙ୍ଗେଙ୍ଗ ଇସ୍ରାୟା, ମା ଉପକାର “ମି କାଜିଂ ସାରି, ଇନାକିଦେଂକି ନାଦାର ତାଙ୍ଗ ମା ସାକ୍ତି ହାର୍ ଆନାଡ଼ ।” ଲାଗିଂ ଇନେସ୍ କ୍ରିସ୍ତୁତି ସାକ୍ତି ନା ଜପି ବାହା କିନାଡ଼, ଇଦାଂ କାଜିଂ ଆନ୍ ବେସି ୱାରିତାଂ ଇଚିସ୍ ନା ନାଦାର ତାଙ୍ଗ ଗରବ୍ କିନାଙ୍ଗ । ୧୦ ଲାଗିଂ କ୍ରିସ୍ତୁ କାଜିଂ ନାଦାର ତାଙ୍ଗ, ଅପ୍ମାନତ, କସ୍ତୁତ, ଇଣ୍ଡତ, ହିଲ୍‌ଝିହିଂ ଆନ୍ ସାରି ଆନାଙ୍ଗ; ଇନାକିଦେଂକି ଏଚେକାଡ଼୍‌ଦ ଆନ୍ ନାଦାର, ହେ ପାଦନା ଆନ୍ ସାକ୍ତି ।

କରକ୍ତିନି ଲକୁ କାଜିଂ ପାଉଲ୍‌ତି ଏଡୁ

୧୧ ଆନ୍ ରୁଦିହିଲ୍‌ଝାକାଂ ଆତାଙ୍ଗନା, ଏପେଙ୍ଗ ନାଙ୍ଗ ଟାଟାୟ୍ କିଡ଼ତାଦେର, ଇନାକିଦେଂକି ନା ୱାରି କିନାକା ମିଦାଙ୍ଗ ମାଚାଡ଼; ଲାଗିଂ ଆତିସ୍‌ପା ଆନ୍ ଇନାକା ଆକାୟ୍, ଆତିସ୍‌ପା ଇମ୍‌ଣି ବିସ୍ତେ ହେ “ଗାଜାକାନ୍ ପକ୍ୟାତାକାର୍‌ଚି” ତାଙ୍ଗ ଉଣା ଆକାୟ୍ । ୧୨ ହେ ୱିଜୁ ଚିନ୍ ଆରି କାବାନି କାମାୟ୍ ଆରେ ସାକ୍ତିନି କାମାୟ୍ ପକ୍ୟାତାକାର୍‌ଚି ଇଚ୍‌କାଡ଼ ଇସାବ୍, ହେ ସବୁ ହାଡ଼ପାତ ମି ବିତ୍ରେତାଂ ପୁରା ବେସି ସାସ୍ ଲାହାଙ୍ଗ ଆତାଡ଼ନ୍ନା । ୧୩ ଇନାକିଦେଂକି ଆନ୍ ତାରୁଙ୍ଗ ଏକ୍ତିନି କାଜିଂ ମି ଜପି ବଜ୍ ଲାକେ ଆୱାତାଂନା, ଇଦାଂ ରଞ୍ଜାଙ୍ଗ ବିସ୍ତେ ପିସ୍ତି ବାକି ଅଦାମ୍ ମଣ୍ଡୁଲିତାଂ ଏପେଙ୍ଗ ଇନାକାତ ହାର୍ କିତାଦେଣ୍ଡା ? ନାଦାଂ ଇ ଦସ୍ କେମା କିଦା ।

୧୪ ହୁଡ଼ାଟ୍, ଆନ୍ ମି ଲାଗାଂ ହାନି କାଜିଂ ଇ ତିନ୍ ହର୍ ଜାଲ୍‌ଦି ମାନାଙ୍ଗ, ଆରେ ଆନ୍ ମି ବଜ୍ ଲାକେ ଆଉଙ୍ଗ, ଇନାକିଦେଂକି ଆନ୍ ମି ଦାନ୍ ଦାହ୍‌ଝାଦାଂ ମିଙ୍ଗେଙ୍ଗ ଦାସ୍ତାନାଙ୍ଗା । ଲାଗିଂ ହିମ୍‌ଣାଂଝାକ୍‌ଡ଼ାଂତି ଆୟା ଆବାରତି କାଜିଂ ରୁଣ୍ଡାୟ୍ କିନାକା ଲଡ଼ା ଆକାୟ୍, ମତର୍ ହିମ୍‌ଣାଂଝାକ୍‌ଡ଼ାଂ କାଜିଂ ଆବାର ଆୟାକ୍‌ତି ରୁଣ୍ଡାୟ୍ କିନି ଲଡ଼ା । ୧୫ ଆରେ, ଆନ୍ ମି ୱାସ୍ତି କାଜିଂ ବେସିଝାରିତାଂ ଉପକାର୍ କିଦନାଙ୍ଗ, ଆଁ, ନା ଜିରୁନ୍ ପା ଉପକାର୍ କିନାଙ୍ଗ । ଆନ୍ ମିଙ୍ଗେଙ୍ଗ ଆଦିକ୍ ବେସି ବାବ୍ରେ ଜିଉନଦନାଙ୍ଗା ଇଞ୍ଜି ଇନାକା ଅଲପ୍ ଜିଉନନାକା ପାୟାନାଦେରା ?

୧୬ ମତର୍ ଇନେସ୍ ଆଏଡ଼, ଆନ୍ ନିଜେ ମିଙ୍ଗେଙ୍ଗ ୱାଝି କିଦ୍‌ଝାତାଂନା, ମତର୍ ଚାଲକି ଆଜି ଆନ୍ ମିଙ୍ଗେଙ୍ଗ ଚାତୁରରେ ଆସ୍ତାତାଂ ! ୧୭ ଆନ୍ ମି ଲାଗାଂ ଇମ୍‌ଣାକାରିଂ ପକ୍‌ତାତାଙ୍ଗନା,

ହେୱାର ବିଦ୍ରୋହୀତାଂ ଇମଣି ମାନାୟ ହୁକେ କି ମିଙ୍ଗତାଂ ଅଲପ୍ ଲାଭ୍ କିତାଙ୍ଗନା ? ୧୮ ଆନ୍ ତିତସ୍ତିଂ ହାନି କାଜିଂ ଗଞ୍ଜାରି କିଜି ମାନଚାଙ୍ଗ୍ ଆରେ ତା ଲାହାଙ୍ଗ୍ ହେ ଚଣ୍ଡେନିଂ ପକ୍ତିମାନଚାଙ୍ଗ୍ । ତିତସ୍ କି ମିତାଂ ଅଲପ୍ ଲାଭ୍ କିତାଣ୍ଣା ? ଆସେଙ୍ଗ୍ ଇନାକା ର ମାନ୍ତ ଚିନ୍ତା କିଞ୍ଜାତାସ୍ନା ? ଆସେଙ୍ଗ୍ ଇନାକା ର ପାଦ୍ ଚିନ୍ତ ହାଲ୍‌ଞ୍ଜାତାସ୍ନା ?

୧୯ ଇ ପାତେକ୍ ଏପେଙ୍ଗ୍ ଏତୁ କିନାଦେରା ଜେ, ଆପେଂ ମି ଲାଗାଂ ଦସ୍ କାଟିକିନାପା । ଇସ୍ପତ୍ ସାକିତ କ୍ରିସ୍ତୁତି ହେବା କାରିୟା ଲାକେ ଆପେଂ କାତା ଇନାପା । ମାତର୍ ଏ ଖାରିନିକାଦେର୍, ସବୁ ବିସ୍ତେ ମି ରଚ୍ନି କାଜିଂ ଇଞ୍ଜନାପା । ୨୦ ଇନାକିଦେଂକି ଏଚେକାଡ୍‌ଦ ଇଚିସ୍ ଆନ୍ ଏକାଞ୍ଜାତିସ୍, ମିଙ୍ଗେଙ୍ଗ୍ ଇନେସ୍ ହୁଡ୍‌ଦେଂ ମାନ୍ କିଦ୍‌ନାଙ୍ଗା, ହେ ଲାକେ ମିଙ୍ଗେଙ୍ଗ୍ ହୁଡ୍‌ଦୁଂ, ଆରେ, ଏପେଙ୍ଗ୍ ନାଙ୍ଗେଙ୍ଗ୍ ଇନେସ୍ ହୁଡ୍‌ଦେଂ ମାନ୍ କିଉଦେର୍, ହେ ଲାକେ ନାଙ୍ଗ୍ ହୁଡ୍‌ଦାଟ୍, ଇଦାଂ କାଜିଂ ଆନ୍ ପାଣ୍ଡା ଆନାଙ୍ଗା; ଏଚେକାଡ୍‌ଦ ଇଚିସ୍ ଗଣ୍ଡଗଲ୍, କୁଟ୍, ରିସା, ବାଡ୍‌ପାଣିୟା, ଲକାର୍‌ନିୟା, କିଡୁଲ୍‌ତ ଇନ୍‌ବା ଆନାକା, ମଲ୍‌କାତା, ଗଣ୍ଡଗଲ୍ ଆନାଟ୍; ୨୧ ଏଚେକାଡ୍‌ଦ ଆନ୍ ଆରେ ରଗ ଏକାଞ୍ଜାତିସ୍ ନା ଇସ୍ପର୍ ମି ବିସ୍ତେ ନାଙ୍ଗେଙ୍ଗ୍ ଆରେ ରଗ ବାଟି କିଦ୍‌ନାନ୍, ଆରେ, ଇମ୍‌ଣାକାର୍ ଆଗେ ପାପ୍ କିତାଣ୍ଣା, ଆରେ ଜାର୍ ଜାର୍ କିତି ବିଚାଡ୍, ଦାରି ଆରି ଲାଡ୍‌ସା କାଜିଂ ମାନ୍‌ବାଦ୍‌ଲାୟ୍ କିଞ୍ଜାତାଣ୍ଣା, ଏପେଙ୍ଗ୍ ହେନି ମାନାୟାର୍ କାଜିଂ ଆନ୍ ଆଡ୍‌ବାନାଙ୍ଗା ।

୧୩

ହାରିହାରା ଦାବା ଆରି ଜୁଞ୍ଜାର୍

୧ ଇ ତିନ୍ ହର୍ “ଆନ୍ ମି ଲାଗାଂ ଖାନାଙ୍ଗା ସାସ୍ପର୍ ଇନେସ୍ ଇନାଟ୍ । ରିୟାର୍ କି ତିନକାଣ୍ ସାକିରିଂ ମୁମ୍‌ଦ ଝିଲ୍ ଦାବା କାତା ତିର୍ କିୟାନାଟ୍ ।” ୨ ଇମ୍‌ଣାକାର୍ ଆଗେ ପାପ୍ କିଜି ମାଚାର୍, ହେୱାରିଂ ଆରି ବାକି ଝିଜାରିଂ ଆନ୍ ଇନେସ୍ ଆଗେ ରିହା ଏକିସ୍ ମାନି ସମୁତ ଇଞ୍ଜି ମାଚାଙ୍ଗ୍, ନଙ୍ଗ୍ ମାନ୍‌ଝିଙ୍ଗ୍ ହେ ଲାକେ ଆଗେତାଂ ଇଞ୍ଜନାଙ୍ଗା ଜେ, ଜଦି ଆନ୍ ଆରେ ରଗ ହାନାଙ୍ଗ୍, ତା ଆତିସ୍ ହେୱାର୍ ତାଣ୍ଡତାଂ ପିହୁଙ୍ଗ୍; ୩ ଲାଗିଂ ଇମ୍‌ଣି କ୍ରିସ୍ତୁ ନା ତାକେ କାତା ଇଞ୍ଜନାନା, ଏପେଙ୍ଗ୍ ତା ପାର୍ମାଣ୍ ଡେକ୍‌ନାଦେରା; ହେୱାନ୍ ମି କାଜିଂ ନାଦାର୍ ଆକାୟ୍,

ମତରୁ ମି ବିଦ୍ରେ ସାକ୍ତିକାଟାକାନ୍ ଆତାନ୍ନା । ୪ ଇନାକିଦେଂକି ଆତିସ୍ପା
ହେଞ୍ଜାନ୍ ନାଦାର କାଜିଂ କୁସ୍ତ ଦୁମ୍ତାନ୍, ଆତିସ୍ପା ଇସ୍ତର୍ ସାକ୍ତି
କାଜିଂ ହେଞ୍ଜାନ୍ ଜିତାନ୍ନା । ଆସେଙ୍ଗ୍ ପା ତା ତାକେ ନାଦାର, ମତରୁ
ଇସ୍ତର୍ ସାକ୍ତି କାଜିଂ ଆପ୍ ମି କାଜିଂ ତା ଲାହାଙ୍ଗ୍ ଜିବୁନ୍ ଆନାସ୍ ।

* ମି ପାତର୍ ତ ମାନାଦେରୁ କି ଆକାୟ୍, ହେ ବିସ୍ତେ ଜାର୍ ଜାର୍ତିଂ
ପରିକ୍ୟା କିୟାଟ୍, ଜାର୍ ଜାର୍ତି ବିଚାର୍ କିୟାଟ୍ ନଲେ ଜିସୁ କ୍ରିସୁ ଜେ
ମି ତାକେ ମାନାନ୍, ଇଦାଂ କି ଏପେଙ୍ଗ୍ ଜାର୍ ଜାର୍ ବିସ୍ତେ ପୁନୁଦେରୁ
? ଜଦି ଇଦାଂ ଆଉଡ୍, ତା ଆତିସ୍ ଏପେଙ୍ଗ୍ ପୁରା ବାବ୍ରେ ଆରା
ଆତାଦେଣ୍ଣା । ୬ ମତରୁ ଆନ୍ ବାସର୍ କିନାଙ୍ଗ୍, ଆସେଙ୍ଗ୍ ଜେ ପରିକ୍ୟା
ହାର୍, ଇଦାଂ ଏପେଙ୍ଗ୍ ପୁନାଦେରୁ । ୭ ମତରୁ ଏପେଙ୍ଗ୍ ଇନେସ୍
ଇମ୍ଣାକାପା ବାନ୍ୟା କାମାୟ୍ କିମାଟ୍, ଇଦାଂ କାଜିଂ ଆପେଂ ଇସ୍ତର୍
ଲାଗାଂ ପାର୍ତାନା କିନାପା; ଆସେଙ୍ଗ୍ ଇନେସ୍ ପରିକ୍ୟାସିଦ୍ ଇଞ୍ଜି
ଚଞ୍ଜୟା ଆନାସ୍, ଇଦାଂ କାଜିଂ ପାର୍ତାନା କିତସା, ମତରୁ ପରିକ୍ୟାସିଦ୍
ଆଞ୍ଜି ଲାକେ ଚଞ୍ଜୟା ଆତିସ୍ ପା ଇନେସ୍ ଏପେଙ୍ଗ୍ ହାର୍ଦି କାମାୟ୍
କିୟାଟ୍, ଇଦାଂ କାଜିଂ ପାର୍ତାନା କିନାପା । ୮ ଇନାକିଦେଂକି ଆପେଂ
ହାତ୍ପା ବିସ୍ତେ ଇନାକା କିଦେଙ୍ଗ୍ ଆତୁପା, ମତରୁ ହାତ୍ପା ବେରୁତ
କିଦେଙ୍ଗ୍ ଆଡ୍ନାପ୍ । ୯ ଲାଗିଂ ଆପେଂ ଏଚେକାଡ୍ଦ ନାଦାର ଆରି
ଏପେଙ୍ଗ୍ ଆଟ୍ଞା, ହେ ପାଦ୍ନା ଆସେଙ୍ଗ୍ ଖାରି କିନାସ୍; ଏପେଙ୍ଗ୍
ଇନେସ୍ ହାର୍ ଆତ, ଇଦାଂ ପା ଆପେଂ ପାର୍ତାନା କିନାସ୍ । ୧୦ ଇଦାଂ
କାଜିଂ ମାନ୍ଞାଦାଂ ଆନ୍ ଇ ସବୁ ଲେକି କିନାଙ୍ଗା, ଇନେସ୍ ଏକିସ୍, ମାପୁ
ନାଙ୍ଗେଙ୍ଗ୍ ଇମଣି ଆଦିକାର୍ ବାଙ୍ଗାୟ୍ କିନି କାଜିଂ ହିଦ୍ଞାଦାଂ ଗାଡ଼ି
କିନି କାଜିଂ ହିଡ୍ନା, ହେ ଆଦିକାର୍ ଇସାବ୍ରେ ବେସି ବେବାର୍ କିଦେଙ୍ଗ୍
ନାଙ୍ଗ୍ ଆଉଡ୍ ।

୧୧ ହାରିହାରା, ଏ ଟଣ୍ଡାର୍, ଆରି ତଣ୍ଡେକ୍ ଖାରି କିୟାଟ୍, ହାର୍ଦାକା
ଆତ, ହାରି ଖାରିକିୟ୍ କିୟାଟ୍, ରମାନ୍ ଆତ, ସୁସ୍ତାତ ବାହାକିୟାଟ୍,
ଆରେ ଜିଉନନାକା ଆରି ସୁସ୍ତାନି ଇସ୍ବର ମି ଲାହାଙ୍ଗ୍ ମାନ୍‌ଗାନାନ୍ ।

୧୨ ପୁଇପୁୟାତ ତନଞ୍ଜି ହାରି ଜୁଞ୍ଜାର୍ କିୟାଟ୍ ।

୧୩ ଝିଜାର୍ ସାଦୁର୍ ମିଙ୍ଗେଙ୍ଗ୍ ଜୁଞ୍ଜାର୍ କିନ୍ନାରା ।

୧୪ ମାପୁ ଜିସୁ କ୍ରିସ୍ତତି ଉପକାର୍, ଇସ୍ତର୍ ଜିଉନନାକା ଆରି
ପୁଇପୁୟା ଜିବୁନ୍ ମେହାଣ୍ ମି ଝିଜାର୍ ଲାହାଙ୍ଗ୍ ଆଏଡ୍ ।

ସତ୍ ବଚନ
The New Testament in the Pengo language of India:
ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ
ପୁନି ନିର୍ମାଣ, 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43